

遼陽縣志

戊辰夏  
比頌

列女志卷十五

禮經云妻者齊也謂其齊於夫也壹與之齊終身不改聖人嚴男女之界大爲之防使知自別於禽獸意至深也古遼東僻在邊徼開化固遲而俗亦未染於淫靡故其婦女率皆質直無華妙識文字而行誼則適與禮合意者遠被箕子八條之教濡染王彥方管幼安之遺風競尙節烈習成自然故雖未嘗學問亦以失節爲重辱其間備極艱苦至死不渝數百年來項背相望茲就前志所載與近世足徵者得二百餘人其餘委巷孤嫠里不登而史不書泯焉以漸滅且不知凡幾惜哉觀於此而糟糠求去因死生盛衰易其志者可以少戢矣述列女志第十五

節婦

節婦趙鄂氏

節婦趙郝氏

節婦劉劉氏

節婦石金氏

節婦常郭氏

節婦王樊氏

節婦王王氏

節婦侯王氏

節婦齊王氏

節孝趙李氏

以上共十名俱入祀賢孝祠前清時旌表事實無考

石函瑜妻李氏

清遼陽州民甫及笄于歸石家未幾夫亡無子決以身殉或勸云上有

舅姑忍使其無依乎乃矢志奉親苦節四十餘年康熙五十二年旌表入祀賢孝祠

盧懋文妻王氏

州人夫亡家貧子甫周歲氏紡績撫孤教之成立歷四十餘年備嘗艱

苦冰霜之節始終不二雍正元年旌表入祀賢孝祠

王育民妻唐氏

州人夫亡無子痛哭不食屢欲自盡因親族嚴守得不死家本孤寒氏

晝夜紡績艱苦弗渝歷四十餘年以壽終雍正元年旌表入祀賢孝祠

譚世榮妻王氏 世榮病歿遺二子皆幼氏守節沒齒不渝雍正元年旌表入祀賢孝祠

劉儒義妻温氏 州人年十九而嫠孝養舅姑四十餘年雍正八年旌表入祀賢孝祠

呂翕如妻林氏 州人適武生呂翕如夫亡守節不移雍正八年旌表入祀賢孝祠

三達色妻魯氏 遼陽正黃旗領催三達色之妻夫亡守節乾隆二年旌表

侯畿妻劉氏 州人康熙三十四年畿病故矢志守節乾隆四年旌表坊在縣署西入祀

### 賢孝祠

卓那思圖妻瓜爾佳氏 瓜爾佳係滿洲旗族譯關氏及笄適遼陽正黃旗兵卓那思圖

夫故守節乾隆四年旌表

劉文善妻張氏 入祀賢孝祠 事未詳

劉國梁妻柳氏

張鳳陽妻趙氏 入祀賢孝祠 事未詳



王金妻劉氏 入祀賢孝祠 以上四名皆夫死守節乾隆四年旌表

愛住妻載佳氏 愛住係遼陽滿洲正藍旗氏于歸後愛住故守志靡他乾隆七年旌表

譚佩妻馬氏 乾隆八年旌表入祀賢孝祠 事未詳

陸成妻章佳氏 成係遼陽滿洲正藍旗成亡氏守節乾隆十一年旌表 皆載一統志

沈榮妻瓜爾佳氏 榮係遼陽正黃旗監生氏于歸後夫亡守節乾隆十六年旌表

郝士洪妻劉氏 乾隆十六年旌表

王振基妻汪氏 入祀賢孝祠

張天榮妻劉氏 入祀賢孝祠

劉元瑞妻陳氏

王世爵妻劉氏

張義明妻王氏

王璽妻劉氏 以上節婦俱乾隆十七年旌表事未詳

洪訓妻趙氏 乾隆二十二年旌表入祀賢孝祠

王龍章妻林氏 乾隆三十八年旌表入祀賢孝祠

王天署妻田氏 年二十一歲夫故侍奉孀姑教養嗣子四十餘年節操彌堅乾隆五十二年旌表入祀賢孝祠

王茂翰妻蔡氏 年二十四歲夫故守節乾隆五十四年旌表入祀賢孝祠

王德純繼室汪氏 居城內雙井街年及笄適王爲繼室舉一子乾隆辛未氏年二十九歲夫故時翁姑早逝祇餘孤孀母子叢叢無依氏哭夫痛絕復蘇日後茹苦含辛撫孤至於成立年六十六歲卒洎道光三年事達禮部題准旌表如例其孫王兆先題聯云  
冰霜不掩佳兒著金石常銘節義存

艾金會妻王氏 年二十六歲夫亡孝事翁姑以苦節著道光十六年旌表入祀賢孝祠  
張芝妻朱氏 年十九歲適城北河工堡漢軍正白旗人張芝氏年二十六歲夫故守節  
道光二十四年旌表其兼祧子景元立有碑記

侯從浴妻王氏 年十七歲夫故守節

常恆德妻王氏 年二十七歲夫故守節入祀賢孝祠

姜渭川妻王氏 年二十五歲夫故守節歷四十餘年入祀賢孝祠

周興妻王氏 年二十八歲夫故守節以賢孝見稱入祀賢孝祠

于生妻趙氏 年二十六歲夫故守節歷六十餘年以壽終入祀賢孝祠

周鼎昌妻王氏 年二十七歲夫亡守志以苦節著入祀賢孝祠

侯發聘妻樊氏 年二十二歲夫亡無子誓志奉翁姑以節孝著

王功妻徐氏 年二十五歲夫亡守節奉養孀姑撫幼子成立入祀賢孝祠

畢德懋妻劉氏 年二十三歲夫故孝養孀姑苦節五十餘年

賈好仁妻馬氏 年二十八歲夫亡守節入祀賢孝祠

以上十八皆道光三十年旌表

石珍妻楊氏 居城西平頂鋪年十九歲夫亡守節奉養翁姑孝行素著卒年八十二歲

咸豐五年旌表入祀賢孝祠有碑在該村外

錢和繼室王氏

城北望水台王天起之女道光十二年氏年十七歲適城西南土台子

錢克廣長子和爲繼室二十五歲夫故遺子世寶氏撫孤成立守節五十四年卒同治七年經翰林院編修姚協贊由禮部奏請旌表入祀賢孝祠

王振德妻田氏

城西南沙河田在田之女道光十年氏年十七歲適城西南羊草莊子

王雲天長子振德閱十年夫死守節遺子巽言家故貧氏茹苦含辛教養孤兒年八十五歲以壽終同治七年旌表

張誥妻張氏

清昭武都尉張明彩長女年十九歸誥爲妻二十四歲夫亡無嗣號泣不

食痛欲身殉家人勸而解之時氏之夫弟方總角氏哭謂之曰天乎汝他日其生男也撫之其生女耶吾其無望矣既壯授室生子克瑞氏撫之如己出以長以教至於成立同治三年旌表賜建坊銀

馬爾桂妻劉氏

年十七歸城北上岡子馬爾桂爲室越三年夫故既無兄弟又無子女

氏痛欲身殉翁西崗碩學也諭以代夫事親爲夫立嗣大義氏唯唯聽命乃默與姑謀

爲翁置遷室連生二子氏助姑撫視倍極勤劬夫弟稍長入塾氏以刺繡所得資市餅果予夫弟獎之使勤學閱二十年夫弟仁溥生子名喜同氏喜爲夫立嗣撫之一如己出光緒四年卒年五十二翌年蒙旌表准予建坊入祠

張萬全妻張氏 居城東憐牛屯年十九歲歸萬全次年夫故遺腹子名玉珍家故貧氏以紡績鍼黹度日教子成立鄉里稱賢光緒四年旌表

劉萬富妻白氏 居城西劉二堡年十八歲于歸翌年萬富卒氏撫其夫姪毓瓚爲嗣節勵冰霜始終不二年六十四歲卒光緒四年旌表

王兆銀妻于氏 城東紅花峪于某女清道光二十三年氏年十七歲適城東南浪子山漢軍鑲白旗人王兆銀二十三歲夫故遺腹生子乳名夢得族名慶山氏幼習姆訓深明大義矢志守節備歷艱辛鄉人稱之光緒六年由旗署請旌懸額曰節勵冰霜

韓錫妻張氏 世居城內年二十三歲夫故守節年六十三卒光緒七年旌表入祀賢孝

祠



蘇尙允妻劉氏 漢軍正黃旗劉克忠女道光二十八年氏年十九適城東南上麻屯漢軍鑲藍旗武庠生蘇尙允二十九歲夫故遺二子氏教養孤子長國聘入邑庠次國聯業農皆早世氏率孀媳及諸孫度日四十餘年七十六歲卒病革召諸孫告之曰汝祖有志未償余幸未辱命汝等好爲之言訖而歿光緒十一年由旗署呈請旌表建坊聯云節義傲冰霜系出眉山原不忝賢名登版籍光增遼水永流芳餘不備錄

劉登嶽妻王氏 城西姜家房身王某女年十八歲歸城西二坨子漢軍正藍旗劉登嶽二十一歲夫故遺子廣恩甫三月氏矢志守節教子讀書成立五十餘年苦節堅貞光緒十六年由本旗轉請旌表

陳玉福妻李氏 城東南大高嶺李仰女同治元年氏十九歲于歸甜水站陳氏四年夫故遺一子一女子名德深家道寒微事孀姑撫幼子均賴氏一人子德深三十六歲故又遺四子悉爲氏教養成立光緒三十年旌表氏現年八十三歲

劉登仕妻趙氏 城西二坨子趙智女年十七歲適同村漢軍正藍旗劉登仕二十七歲

夫故遺子廣德年甫九歲氏教養成立孝事翁姑人皆賢之苦守四十年光緒十九年  
由本旗轉請旌表

劉廣潤妻徐氏 城西徐家坨子徐長美女年二十一歲歸漢軍正藍旗劉廣潤未及百  
日夫誤墮水死氏痛不欲生祇以夫弟二人皆幼堂上翁姑需人奉養遂誓志守節五  
十餘年光緒二十四年由本旗詳請旌表

馬有良妻鍾氏 海城縣境閔家山子鍾某女年二十一歲于歸有良世居邑西古年坨  
子村滿洲旗籍閱七年有良病故遺腹子尙德馬氏七世單傳外無碁功之親內無五  
尺之童氏隻身親理喪葬撫育遺孤既長爲之娶婦甫三十歲尙德亦亡僅留二女氏  
顧念宗祧乃以夫遠族侄尙俊兼祧娶高氏生孫三人宗祧賴以不斬氏年七十八歲  
卒

王萬璽妻徐氏 內務府鑲黃旗徐自聰之女納鄭家廠旗人王萬璽之聘道光十九年  
氏年十八于歸三十歲夫故生子甫九日名錫瑛氏守節撫孤辛苦三十餘年光緒十

八年旌表頒賜清標彤管匾額

劉永盛妻徐氏 邑人徐自洪女十七歲適邑西馬家屯劉姓越二年夫永盛病故氏甘心食貧孝事翁姑撫育孤子殿卿以至成立耐守冰霜四十餘年光緒二十二年八月旌表卒年六十又三

張德鈞妻刁氏 邑西刁窩棚民人刁有條女十九歲適長林子張氏至二十五歲夫德鈞病故遺一女時翁姑尚在氏守節奉親越數年乃以夫兄次子鍾彥爲嗣氏待之以恩而教之以嚴子後入庠有名於時氏守節四十八年至光緒十九年壽七十三而終

李撒哈拉氏 母家城南門外許氏許姓係蒙古撒哈拉氏十七歲適吳家台李毓萃爲妻越歲夫故時夫翁春琛尙健壯毓萃旣夭族人咸欲爲氏擇嗣氏不以爲然乃請翁納側室謂側室生子差強異派厥後娶妾生五子二女氏於此七人皆更替保抱提攜而七人亦視嫂如母夫之三弟毓祿長子名鳳生氏尤愛之遂以爲嗣光緒二十四年旌表及三十二年卒年五十有九

周梯雲妻陳氏 母家城西青堆子年十八于歸螞蟥廟屯周氏未幾夫渡河溺死氏立

志守節奉事翁姑三十餘載孝行可風撫養諸姪如己出光緒二十四年經舉人施之

綸李明善優貢階自成等呈由州署轉請旌表准入節孝祠

按螞蟥廟屯現撥歸遼中縣

董廣志妻劉氏 台安縣五間房村漢軍正藍旗劉登科第五女年十七歲于歸城西沙

崗子村內務府旗人董廣志廣志因丁父憂廬墓二年有半哀毀而卒時氏二十八歲

無嗣夫翁萬寶早故姑黃氏年近六十氏立志守節奉事孀姑克盡孝道持家亦復有

法嗣後以夫堂姪蘭譜爲嗣及姑亡喪葬克盡禮卒年八十歲鄉鄰以其夫孝妻賢稱

其家爲雙盛堂云

楊國柱妻王氏 夫家居城東水峪嘉慶十七年國柱故氏年二十二歲家境貧寒矢志

靡他計守節五十三年光緒二十八年旌表

焦復興妻王氏 住城西過往碑年及笄于歸焦氏同治五年氏二十四歲復興故矢志

守節孀姑衰病動作需人氏竭力奉養二十餘年無少間姑得以壽終有女一子三皆

幼孩提孤苦教養維艱氏日夜操勞恩勤鞠育卒令女嫻閨訓子務耕讀家境賴以小  
康夫族多貧戶遇有急難輒盡力周恤之親友婚喪有不備者則量爲資助之光緒二  
十八年經京官工部郎中張露恩奏請准予建坊入祀賢孝祠卒年六十六歲

焦泮林妻鄒氏 城西過往碑附貢生焦華林之弟婦也年十七于歸同治七年泮林病

故時氏年二十一歲遺一女甫二歲家故不豐氏賦性幽貞堅守苦節撫養弱女備極  
艱辛守孀三十五年光緒二十八年與焦王氏同日旌表入祀賢孝祠

張文斗妻孟氏 文斗係城東沙澚屯民人同治六年氏年二十歲文斗故無子家甚寒  
苦守節三十七年光緒三十一年旌表

賈桂年妻劉氏 桂年係城北土佳屯民人清咸豐五年病故氏年二十三歲寒苦守節  
上奉老親下撫孤子備歷艱辛五十一年光緒三十一年禮部奏准旌表

王清源妻邵氏 城西唐馬寨邵氏女十七歲于歸杜家窩棚王清源王賈於外城家無  
寸土井臼自操年二十四歲夫故遺子二長希聖次希賢女一均在孩提氏誓志守孀



甚至日僅一餐以紡績縫紉之資供子讀書光緒三十一年卒壽八十有四其子孫尙蕃衍云

蘇正緒妻黃氏 城西大駱駝背村盛京內務府鑲黃旗黃維忠之女年二十一歲適同村同旗蘇正緒爲妻于歸後敬事夫子上奉翁姑克盡婦職年二十五歲夫病故無嗣氏搶地呼天欲以死殉經人勸止後奉養雙親比夫在時尤加敬謹嗣翁姑相繼歿惟嫂高氏是依奉之若姑焉高氏暮歲失明亦依氏爲命氏與宗族議以高氏之子世元之次子庭芝爲嗣孫氏教誨之俾能成立鄉鄰咸稱其有賢孫焉光緒三十二年氏年八十有五守節六十一年節若冰霜心如仙佛歷一生如一日云是年請旌表依例建坊

趙廷璧妻張氏 夫家居城南立山屯同治十一年氏年二十四歲廷璧故氏奉侍孀姑撫育孤子持家勤儉守節三十六年光緒三十三年經翰林院檢討馮紹唐由禮部奏請旌表如例

張德顯妻烏蘇氏 城北河工堡奎昌長女年十九歸張氏越二年德顯病故無嗣氏茹

苦含辛養親守志四十餘年歷久不渝光緒三十三年旌表如例經族人議以夫弟舉人德倫之長子殿藩爲嗣爲建坊於河工堡村北路東有宋玉奎撰碑記

富承祺妻楊氏 氏年二十一歲適城東黃泥岡滿洲鑲紅旗人富承祺事姑奉夫惟孝

惟謹年二十九歲夫歿遺一女遺腹生子守節以壽終光緒三十四年旌表事詳文藝

碑誌

李福全妻張氏 漢軍鑲白旗張德女咸豐七年氏年十七于歸夫家居城東北韭菜園

子村隸漢軍鑲紅旗家故貧房無一瓦之覆地無一隴之植而氏孝養翁姑善和妯娌毫無間言年三十歲夫故遺一子榮璽僅三齡氏矢志守節傭工撫孤教養成立以商起家爲遼陽商會會長氏之教也宣統元年由旗署請准旌表如例入祀賢孝祠

陳廷秀妻王氏 夫家居城東丁莊子氏于歸年十七未及六載夫故遺一子榮宗氏撫

孤養親以母兼父以婦代子翁姑歿喪葬皆盡禮里黨稱之守節三十二年宣統元年

旌表

富恩銘妻王氏 氏於二十一歲于歸城東牌坊旗人富恩銘是年九月間夫故氏孑然一身誓以貞節自守歷三十餘年備嘗辛苦宣統元年旌表

李永隆妻袁氏 城南雞王屯旗人袁守謙五女年十九適同旗李永隆二十一歲夫故無嗣時翁姑俱在均年逾五旬氏囑戚友勸翁再娶以圖似續翁遂聘劉氏生子永華氏喜曰今有夫弟宗不斬矣越三年劉病故氏撫育夫弟勤勞周至詎永華三十餘未立子而氏病故計守節三十六年嗣後永華生一子名書番遂兼祧焉李宗之不斬氏之力也宣統元年旌表

金殿生妻顧氏 城南七嶺子漢軍鑲紅旗顧鴻升長女咸豐九年氏年十七適同屯金萬恭長子殿生爲妻二十歲夫故逾四月遺腹生男名長城氏撫孤紡績孝養翁姑婦代子職由養生以至送死一切必誠必敬戚族稱之子稍長爲之擇師教讀卒至成立計守節四十八年宣統元年旌表

孫起良妻姚氏 城西龍灣村姚禎長女十六歲適同村孫顯學次子起良氏年二十夫病故遺一子乃昌時翁姑在堂家道中衰父母勸其再醮氏以死自誓孝養雙親始終不懈所尤難者姑臥病連年氏日夕侍藥未嘗少離及後教子甫成立又早亡遺一孫名定環氏以宗祧有託惟勤儉持家與孀媳孤孫艱辛度日堂上之奉仍無少缺宣統元年時氏守節三十五年邑紳據實上聞如例旌表

趙鴻飛妻李氏 城西後蛤喇河屯民人李日權之女適同屯趙垣之子鴻飛爲妻同治九年鴻飛病故時氏年二十七家甚貧遺孤子尙幼氏含辛茹苦誓死不二教子有方以慈母而有嚴父風族里稱之宣統元年旌表

張玠妻李氏 城南侯家屯民人劉天亮之女適同屯張希聖之子玠爲妻同治十二年夫故時氏年二十九翁姑老邁子幼丁單氏晨夕奉養以婦而代子職教子寬中有嚴力戒浮華不稍姑息戚族均無間言宣統元年旌表

孫賢妻鄭氏 邑人鄭玉潤長女納董達連溝孫國瑞長子國學生孫賢之聘同治二年

氏年二十一于歸侍奉翁姑能得其歡心甫五載夫故遺一子甫周歲氏自念上有老親下有幼子事畜之責理宜代夫任之遂矢志守節嗣翁姑先後棄養殯葬一切盡禮其夫生前未竟之事氏悉體夫心賡續經營就緒守節四十餘年而卒宣統元年旌表趙承明妻劉氏 城東水峪劉秉彝之女同治八年氏十七歲適城北趙家林子旗人趙士相長子承明爲妻越六年夫故無嗣僅一女甫三齡夫弟承祥亦幼翁姑衰邁家務賴氏操持備極勞瘁其於翁姑生事死葬悉如禮人無間言夫弟婦生一子甫七日而婦亡氏於襁褓中抱養爲嗣推溼就乾視若己出計守節三十六年宣統元年旌表

劉玉瑚妻郭氏 清內務府漢軍郭長城女年十九適劉玉瑚家極貧氏於奉事翁姑外時以讀書勗夫盡典嫁衣助燈火費同治十三年夫病故遺一女時氏年二十五節哀飲泣以婦代子定省無虧有隣村趙劉氏慕氏之品節欲聘氏女爲孫婦氏以趙素封非匹未許繼察其求婚意甚誠翁姑亦默許始妻之翁病危氏刺血禱神和藥以進尋愈嗣後翁姑相繼逝女亦于歸氏欲吞藥殉夫被隣婦覺奪之婉勸乃己氏女迎氏於



家四隣婦女奉氏如師保焉宣統元年旌表入祠

王熙辰妻李氏 奉天承德民人李成祥女十七歲適城內南街王熙辰逾五年熙辰以太學生即補同知應京兆試病卒於京師柩回里氏扶柩守墓誓以身殉諸兄嫂看護嚴未得遂既葬後族人以氏夫兄子爲之嗣氏五十歲繼子與媳又相繼逝遺孫二人家道中落氏勤儉持家延師課孫以紹書香孫等皆成立族里稱賢焉至八十三歲以壽終宣統元年旌表

王守謙妻徐氏 清內務府正白旗徐文炳女年十七適河南社一甲民貢生王守謙翁早故氏事姑以孝謹聞三十九歲夫病故遺子女各一家計日緇氏自奉儉約而奉姑衣食必謀豐厚子就傅束修費不充至典衣飾給之洎晚年子女同年夭殂有孫四人均幼氏持家課孫不以老而少懈宣統元年旌表又十載年近九十以壽終

張人僖繼妻子氏 邑人于文斌次女道光二十七年氏年二十二適本城內張世泰長子人僖爲繼室越七年夫故遺幼子名中一翁姑已衰老家又寒微氏晝勤女工夜則

紡績以供旨甘及束修之費前後五十年中困苦艱難卒能養生送死兩無所憾子亦學成名立爲士林所推許年七十八歲卒宣統元年旌表入祠

欒依泗妻薛氏 城西教場民人薛德蒿次女同治二年氏十七歲適隣屯五道口門欒依泗甫二載夫故遺一女翁文魁素患癱不能步履姑劉氏因哭子喪明起居飲食在在需人扶持夫之初亡也氏痛欲身殉親族責以大義乃矢志守節仰事殘疾之翁姑俯畜襁褓之孤女始終無懈志及翁姑故葬之如禮後因屯創立小學校氏將其宅西閒房三間捐作校舍計守節三十六年宣統二年旌表

關景山妻張氏 清內務府正白旗人張如山女年十七適關吉順之子景山奉事翁姑克盡婦職逾六年夫故疾篤時呼氏告之曰吾死後汝可代我事父母撫孤兒勿尋拙見使我死不瞑目氏遵夫遺言事親撫子無稍怠不數年姑卒奉翁數十年飲食起居必親自檢點氏自奉甚儉而菽水束修各費籌措必周及子已成立每進旨甘氏以爲費力戒之至七十餘歲猶勞心家計焉宣統二年旌表尋卒

張慶德妻朱氏 內務府朱廣全女年十九適同府正白旗張慶德爲妻氏幼嫻閨訓事  
父母頗著孝行于歸後事翁姑尤敬謹越數年夫病故無子以胞侄爲嗣尙幼氏茹痛  
含酸喪葬事畢惟以養親撫子爲己任閱數載翁卒姑老左右需人每有所欲氏輒先  
意承進之並爲嗣子延師教讀有時假歸猶督課之若親生焉計守節四十年宣統二  
年旌表

馮萬泰妻陳氏 邑城西門外南莊陳永昇女同治三年氏十七歲于歸馮全之三子萬  
泰越二年夫故遺子生甫八月名樹勳氏矢志守孀不以家寒易節中饋之餘輒紡績  
得錢爲翁姑供旨甘子稍長即令從師受讀嗣後樹勳考入直隸宛平文庠生氏之教  
也氏守節三十餘載宣統二年旌表坊在城西門外路北有聯云冰霜其節松柏其操  
閭里之榮邦家之光入祀賢孝祠

楊荊山側室溫氏 邑人溫廣之三女光緒九年十八歲適城東施官屯楊朝惠次子荊  
山爲側室荊山先娶劉氏年及五十無出氏于歸越五年夫故遺子錦林甫三齡夫弟

等早析爨嫡臥病不起氏零丁辛苦自理家務勞瘁弗辭守節二十二年而歿迹其事夫敬嫡教子成立娶媳育孫勤勞無愠色宣統二年旌表

谷尙勤妻巴氏 住城南陳家台內府府鑲黃旗巴明全次女年十九適同屯谷宗信長子尙勤爲妻二十二歲夫故遺一子翁姑在堂氏念雙親無託孤子靡依遂堅心守節惟家境衰微既無伯叔終鮮兄弟內外家務一身任之夫歿之初翁姑痛子情切時常患病氏進藥之餘每用婉言勸慰越十年翁姑先後歿氏躬親殮葬皆盡禮子稍長使之讀書既娶婦氏猶紡織操作不稍懈厥後子孫繁衍五世同堂人以爲苦節之報云同治十二年卒宣統二年旌表入祠

魏文安妻谷氏 城南陳家台谷時美次女谷尙勤之孫女也光緒二年氏十七歲于歸城昂堡魏天開季子文安翌年夫故子生甫三月翁姑年邁夫兄亦病氏哀痛欲絕親友慰勉之乃矢志守貞又三年間翁姑夫兄相繼逝世均經氏營理喪葬家非素封日用拮据躬親操作日無暇晷且和睦妯娌撫育孤兒三十餘年中備歷艱苦又遭甲午

庚子兩次變亂氏偕孀嫂幼子困守在家以鎮靜處之卒無恙宣統二年旌表

任廣成妻鄒氏 邑人鄒元勝之女同治六年氏十七歲適任長富之子廣成爲妻越六載夫故無子翁姑年邁家道寒微經族人議以夫之胞侄爲嗣氏奉親撫子克盡厥職尤復勤儉持家歷久不渝其志計守節三十八年宣統二年旌表

趙文閣妻鄭氏 城東北前營城子鄭億長女光緒七年氏二十一歲適同屯趙青鎮長子文閣爲妻逾四年夫故遺子甫二齡翁姑在堂家境寒微氏勤儉操勞藉資餬口初夫歿時翁赴北邊貿易一切醫藥葬費氏典簪珥以償之姑因哀致病及翁歸交相憂鬱氏嘗委婉慰解之子稍長氏督教之不少寬假及娶婦後猶躬操作遂致家道小康子亦成立宣統二年旌表

李廷瑞妻王氏 氏母家係城內望族光緒二年氏二十二歲適同城李廷瑞越兩歲夫病故遺一子未離襁褓翁患癱疾動轉需人氏左右扶持不辭勞苦未幾翁歿繼而姑又失明兼以瘋癩一切飲食便溺既需氏承奉而所有家務亦紛然待理卒能使姑以



壽終嗣子成立守節三十餘年戚里咸稱道之宣統二年旌表

康占元妻王氏 邑人王士明第四女同治十年氏十九歲于歸祁爾台康文亮之子占元閱三年夫故遺一子名萬齡甫周歲姑早歲中瘋癩翁以子故憂悼成疾舉動飲食均需人扶持氏晨夕問視左右調護毫無倦容泊翁姑歿氏一身親理喪葬親族人稱賢孝焉萬齡稍長督令讀書卒能成立守節三十八年宣統三年旌表

袁金鍾妻吳氏 城北五十里山藥鋪吳某之女適盛京禮部千丁司錄事袁金鍾夫卒守節時年二十三遺腹生一女爲夫繼嗣計立志守節始終不渝後以夫兄之子慶瀾兼祧光緒季年遼陽創立貞靜女學士紳舉氏爲管理員任事數年管理有方寬嚴互用女生敬畏之宣統三年旌表卒年六十三

屈銘勳妻劉氏 武庠生劉春山女同治二年九月歸城東雙廟子屈銘勳時年十九歲越二年生子明善逾年夫故氏痛不欲生其父春山誠之曰愚死不如節生况翁姑年高孤子無依事親教子義不容辭戚友亦皆勸止之姑尙氏殘年多病又痛切喪子時

生焦灼氏晨昏侍奉二十年如一日卒以孝感又復訓子教孫備勞心力計前後五十年民國四年二月蒙 題給匾額褒揚銀章

屈明善妻孫氏 內務府主事孫天和女光緒六年歸屈明善時年十七逾四年夫病故遺子榮基家無長丁氏堅心守節上侍孀姑以婦代子下訓孤兒以母兼師躬持家務惟儉惟勤里人稱氏與其姑劉氏謂一門兩賢婦民國四年二月同蒙 褒揚

隋自箴妻孫氏 城西月牙泡孫偉女年十七歸邑庠生隋雲鵬長子自箴閱十年夫故遺子鶴齡及一女時翁姑在堂氏教子養親孝慈兼盡數年翁卒夫弟與氏析居不數歲夫弟家敗落亦故氏急將孀姑迎養以迄喪葬費皆自任之是以里戚中交口稱賢所尤難者光緒庚子亂時子鶴齡與婦王氏被匪逼死遺孫男女四人俱幼一切婚嫁悉賴氏一身經營綜計前後四世家難咸萃厥躬蓋不惟苦節能貞己也民國二年卒年六十有四

詹建相繼室劉氏 武生劉萬年之女年二十歲歸城東雙廟子詹建相爲繼室其夫多

病氏親侍湯藥五歷寒暑無稍懈同治十二年夫故氏年二十五遵夫遺囑立志守節始終不渝事親撫孤辛勤備至庚子之變宵小欺氏寡弱乘勢搶掠氏死守拒之頭部中傷仍不挫平居持身極儉遇鄉里慈善事則盡力捐助以故遠近稱賢民國七年蒙題給匾額褒獎黃綬銀章

王廷仕妻巴氏 城南巴家岡子巴成傑長女年十八歸王廷仕廷仕素多病氏親侍湯藥晝夜扶持二年有餘夫故痛欲身殉惟念翁姑在堂侍養之責無可旁貸乃節哀理喪操勞家務備極艱苦數年翁歿姑亦繼亡氏親治喪葬咸盡禮遺夫妹年十一夫弟甫六齡賴氏一人撫養及時爲之備妝遣嫁延師課讀夫弟入邑庠舉一子名德英氏愛之如己出飲食教誨皆躬親之德英亦以武庠生成名生子女各一氏保抱提攜如愛德英自二十歲守孀六十餘年孝義卓著族里咸敬仰之民國七年四月蒙 褒題匾額白綬銀章入祀賢孝祠

劉維舟妻郝氏 居城東街郝家胡同年十九適同城劉氏年二十五夫維舟棄世遺二

女家甚貧矢志守節以夫堂次孫移山爲嗣孫娶張氏生子振儒民偕夫弟勤勞家務辛苦備歷始終如一民國七年卒年八十有五以壽終

溫景芳繼室董氏

清內務府千總董廣齡次女養母劉氏苦節可風氏幼承母訓年二

十適沙河溫景芳爲繼室先妻曹氏遺一女氏愛如已出姑早卒夫性直樸失親歡氏奉翁益敬謹年二十七夫故子紹廷甫五齡氏痛欲身殉轉念翁老子幼事畜需人乃節哀理喪葬夫歿後益刻苦以鍼湔工費教育子女每於燈下勗子曰但作好人君子足已嗣翁卒氏哀傷兼積勞致病卒年四十有六民國八年蒙 褒揚匾額

薛寶維妻李氏

城西北吳家堡子處士李國雅之女貢生李華之妹幼許字大塹薛寶

維年七齡童養於薛十五歲成婚孝順舅姑敬事夫子十七歲生子鼎文是年夫病故氏哀慟幾絕欲以身殉賴親友守護以奉親撫孤相勸慰乃勉節哀忱以禮葬夫不數年舅姑相繼逝氏喪葬盡禮時夫妹年甫十歲連遭喪葬家計頓窘氏親操井臼課子攻書教妹習女紅恩義兼盡勞瘁弗辭卒年六十有三守孀四十六年苦節貞操人無

間言民國八年四月蒙 褒揚匾額

陳榮新妻趙氏 城西青堆子陳克正之叔母也生性貞靜不苟言笑二十九歲夫謝世無子遺二幼女家貧甚氏守柏舟節以死自矢有以再醮勸者峻拒之不以言辭易心不以境過改志窮年依伯氏居撫二女長成嫁去端居簡默無殊於人值變則有堅定之操雖迫之弗懼也其事舅姑以孝兼和姊姒歷盡艱苦無有怨色亦未聞一矜詞守節三十年終始無間戚里賢之民國八年國會參眾兩院議員曾有嚴陳瀛洲孫孝宗董寶麟等由內務部轉請褒揚蒙 大總統徐錫予節勵松筠匾額褒章一座現年六十健康如昔

周文德妻王氏 城東南浪子山王鳳翥三女生員王鵬翰女娣年十七適城東鵝眉庄處士周文德二十四歲夫故氏幼承父訓頗明節義自念承祧無託矢志靡他撫夫兄文振之次子熙寶爲嗣恩逾己出遭甲午庚子甲辰迭次兵燹該屯適當其衝多被蹂躪氏以堅貞自恃卒以無恙守節三十年婦道無虧母儀足式民國八年四月蒙 褒

題匾額白綬銀章

佟柏齡妻潘氏 城北景爾屯處士潘永隆長女年二十一適城西北四合堡福陵鑲黃旗人佟柏齡爲妻二十九歲夫病故遺子文奎年六歲文煥甫一歲氏哀痛欲殉夫親族多方勸慰乃勉成喪葬越數年舅姑繼亡氏悉能竭力盡禮由此家境中落惟賴氏勤儉自持用能保守先業所有延師教子課讀課耕無一時或倦計守節四十餘年辛苦備嘗冰霜比潔如一日焉民國八年四月蒙 褒題匾額白綬銀章

徐慶連妻常氏 城東周官屯常德榮之女十七歲歸城東北山藥堡徐慶連爲妻逾年夫故氏痛不欲生惟念翁早歲外出無音耗姑病牀蓐又有遺腹不得不爲延宗祧計嗣舉一子名明山家極寒苦或勸之再醮可免凍餒氏矢志柏舟始終不渝事姑訓子備極劬勞守節四十餘年民國八年蒙 褒題匾額並白綬銀章

劉瑞妻子氏 城西藏魚泡于大堂之女幼嫻姆訓年十九歸刁家窩舖劉乃貴長子瑞爲妻年三十夫患熱病氏朝夕侍藥無休息卒無效夫歿時有女僅八歲子不滿週歲



名承憲氏痛欲殉夫及見翁姑撫孤兒弱女悲不能言轉念事親撫幼非異人任氏苟不存此將安託乃節哀起立理殯葬咸如禮所尤難者氏翁衰老失明女幼時多病氏上而扶持下而顧復孝慈兩盡嗣氏夫弟春與之析居時姑亦病故氏以奉養衰翁自任翁亦念其無依爰就養於氏家家故貧氏夜紡績晝作女工得錢輒市餅餌奉翁翁故時氏子承憲僅二十餘歲喪葬事仍惟氏是賴孫三人愛之篤而教之嚴尤鍾愛次孫柏齡及柏齡由軍中歸里省視依戀不忍去氏曰行矣爲國効忠毋吾念民國八年蒙 褒賜匾額白綬銀章卒年九十一歲人以爲節孝之報云

崔宗起妻王氏 邑南崔家屯王天禎長女年十七適宗起越二載夫亡有女僅一齡亦相繼而殤家貧又值荒歉有欲其再醮者氏矢志不渝以十指所入奉七十衰翁甘旨無缺十年如一日翁歿氏以父母無子迎就養生事死葬各事均以子職自任人稱賢孝卒於民國二年時年七十有五茹苦守節五十六年繼族侄連仲爲嗣今諸孫濟濟家業日昌氏之遺德存焉民國九年蒙 大總統題褒志潔行芳匾額

馬洪德妻王氏 邑南崔家屯王天禎次女事父母至孝年二十一適洪德夫歿遺子繼益未週歲家貧凡井臼穡事躬自操作不以爲苦稍豐令子就學外傳歸課所業若嚴師後畢業於奉天兩級師範優級選科歷充教育實業教職皆氏教養之力也氏茹苦守節垂五十年民國九年蒙 大總統題褒節勵松筠匾額頒給卿雲仗節銀質褒章一座

何恩滔妻祁氏 清內務府筆帖式何恩滔妻居城西北養魚池村光緒二年恩滔病故氏年二十三歲子慶頤尚在襁褓氏撫孤守節操持家務內外整肅慶頤稍長即爲之延師課讀教以義方舊制旗籍童生免州縣試徑應府考慶頤再試未售適停科舉興學校氏命子學專門法政畢業後考取高等文官分發吉林署理綏遠縣知事鄉人以氏有和丸畫荻之風焉民國十年六月蒙 褒錫匾額

郭鴻鈞妻白氏 城南調軍台郭鴻鈞之妻白玉芝長女十七歲于歸清光緒初年夫隨左營充哨官在長白陣亡氏年二十七歲痛極擬自盡復念翁姑年邁幼子懷乳義宜

奉親撫孤乃己家本不豐夫歿益窘氏勤劬度日而堂上奉養毫無虧缺子名純熙能言即令其識字讀書以致成立迨翁姑相繼逝世營喪葬咸盡禮守志四十餘年節勵冰霜備嘗辛苦戚里稱之民國十年六月蒙 褒錫匾額白綬銀章

劉興漢妻黃氏

城南水峪黃仁次女年二十一歲于歸西打白狐村劉德海之四子興

漢爲妻興漢少業儒學友咸欽其品學嬰腰疾十八歲病故僅遺一女氏年二十三痛夫早亡日夜悲啼家人恐其自縊邏守之氏曰吾痛耳吾女在襁褓吾死將貽誰憂且翁姑尙在吾宜代夫奉養不然娶婦何爲者越十年翁歿又逾年姑亦繼逝方病革時氏日夜侍藥並祈禱請以身代蓋平昔姑慈婦孝故至如此氏家丁口甚衆伯叔妯娌及諸姪姊僉敬服之所有戚里亦皆以和睦相處尤勤工作晝則率姪婦輩分任烹飪事至夜分鐙火熒熒與女紡績厥後女適鷺眉庄韓氏亦以孝聞氏之教也氏以承祧事重擇夫兄錫珍次子會元爲嗣每誨之曰爲農爲商由汝但必須做好人會元遵教亦以孝謹聞氏之伯嫂三十六歲守孀姪婦二十五歲守孀氏每暇時輒舉古今節義

事以相勗人稱一門三賢婦氏尤其卓著者也光緒庚子秋俄兵壓境村人無以自給氏謂家人曰毋以居積爲若累乃以高糧四百石慨助貧戶閭里以安民國十年六月蒙 褒錫匾額白綬銀章現入祀賢孝祠

韓覲妻楊氏 清處士楊萬清之三女同治五年時年二十歲適城內貢生韓覲爲繼室于歸後夫患癱症三年不起飲食便溺皆氏扶持之毫無厭倦及卒氏痛哭欲殉夫經家人勸以繼夫訓子等情始稍有轉意喪葬畢矢志彌堅勤劬無間昕夕延師教子休假時課讀亦無少間子述文承母志於光緒二十九年任直隸龍華鎮分司歷官新城長源典史推升糧捕府司獄聲績頗嘉氏之教也氏青年守節白首完貞五十餘年如一日焉民國十年六月蒙 褒錫節勵松筠匾額并白綬銀章

夏永奎妻劉氏 城東南雞鳴寺村處士劉福長之女省議員劉慶文之胞妹年二十一歲于歸河欄溝附村夏家堡夏永奎爲妻逾二年夫染歿病故氏撫遺孤女誓志守節詎未逾月其翁夏明純亦卒氏上侍祖翁姑與孀姑鄰里咸以孝稱嗣祖翁姑相繼逝

夫弟二人尙幼喪葬婚娶事氏一身任之人咸服其知禮厥後夫弟等與氏析居家私多寡氏概不較因之生計艱窘苦節益貞民國十年六月蒙 褒錫匾額并白綬銀章卒以夫弟夏永貞之子萬臨爲嗣劉慶文捐貲爲之建坊

吳善緒妻丁氏 城西北河工堡光緒戊戌進士吳文杰長男善緒之妻乙酉科謄錄丁德本之女十七歲于歸奉事翁姑能先意承志無微不至宗族戚里無間言夫病於差次回里養痾氏侍藥必親嘗及夫歿痛不欲生以姑在勸之止後翁以進士分山西民國九年棄官歸家道中落時姑已早逝庶姑不善理家政凡烹飪澣濯氏皆身任之無子繼夫弟子爲嗣教養以迄成立氏於二十五守節五十九歲卒民國十年六月蒙

褒錫匾額

趙德中妻賈氏 城西賈雙樹子千總銜賈鵬翼女十七歲于歸小趙台趙德中爲繼室未及四年夫病故無親兄弟惟翁姑在堂家中一切操作事氏一身任之翁姑飲食必親爲烹調姑衰年多病氏勸翁納妾以延宗祀妾果生子氏抱養之雖叔若子人以是

稱其賢民國十年六月蒙 褒錫匾額并白綬銀章

趙乃鼎妻曹氏 賈雙樹子武生賈裕德女十七歲于歸文庠生趙乃鼎爲妻孝事翁姑能得其歡心夫應光緒戊子科鄉試歿於京寓聞耗哭之痛幾絕有女二無子忍死以奉親撫孤女爲己責時翁姑年高痛子情切頭目昏眩氏百計寬解之賴有庶出弟三人意竟稍慰而氏視諸弟亦如姑生焉洎翁故姑益老所生子又早亡氏恐傷姑心所欲必先意承志以奉之及姑歿喪葬盡禮率諸弟度日無稍懈諸弟咸敬重之守節三十五年民國十年六月蒙 褒錫匾額并白綬銀章

王懷治妻唐氏 父唐文賢氏年十七于歸城西南馬伊屯王文舉長子懷治爲妻清光緒五年夫故氏年二十七歲彼時誓以身殉復念祖翁及翁姑皆在堂季子尙在懷抱奉親教子責無可謝乃起立支持葬夫訖奉侍兩世老親生養死葬皆盡禮人無間言至其持家守業備嘗辛苦教養孤子有聲有顯有佐皆成立苦節冰操四十餘年宛如一日焉民國十年六月蒙 褒錫匾額并白綬銀章



徐國策妻馮氏 清貢生馮顯文長女十七歲于歸城內徐文炳次子國策爲妻夫業儒體質素弱因病故氏年二十四歲時孀姑衰老遺二子俱幼兼以家境蕭條無親族可依託惟氏幼受父教克知禮義矢志守貞不憚艱苦上奉姑下課孤兒孝慈兼盡並勤於操作儉於自奉雖家計甚絀而養親教子之費絕不使之或缺又五年姑歿營喪葬皆盡禮長子萬泰業商早故惟次子萬清學醫頗精通生六子皆有令名人以爲氏之教育所致云計守貞四十九年民國十年六月蒙 褒揚匾額白綬銀章

徐發科妻楊氏 徐發科之妻原居城南吉洞峪後居城內母家城西媽媽街現撥歸遼中縣清都察院督經歷楊桂年姑母也年十九歲于歸生四子越十年夫故家故貧氏矢志守貞以禮葬夫躬操家務縮食省衣奉事翁姑能得其歡心復令諸孤從師受書每假期歸家仍時時課讀不輟孝慈兼盡戚里稱之民國十年六月請褒揚

許起英妻褚氏 城南新立屯附貢生褚作藩之女母姜氏戶部郎中姜恩元之姑也氏十七歲適城西柳木溝處士許起英爲妻幼承父訓學文習禮起英素患癱疾翁早故

姑王氏於前數年失明家門零落毫無生趣氏聞之請命父母願得事奉瞽姑及病夫許之姑氏王以子病不應娶強而後可及醮夫以病革不能行交拜禮氏既歸姑與夫皆有所倚賴家務亦資以經理越四年夫故母家知其素重節烈恐其自縊謹防守之氏曰無須防我我死姑何以生許門且滅絕矣人以是益重敬之葬夫後氏請姑邀親族議承繼事遂以夫兄起鳳之長子奎武爲嗣年甫六歲氏泣謂曰好好讀書學即不成亦得勉爲正人氏每於家事餘暇講各勸善書爲姑破岑寂姑喜謂人曰吾自有媳幾不知無目矣居嘗披覽古賢女傳記諸書刻以自勵有疑難處則考諸字典務得其解並摘諸格言貼座右令子誦之及長爲之擇良師教讀奎武少年以文學知名尋就武入武庠生氏之教也子娶夏氏夏之賢孝與氏同人皆以爲宜食其報云氏自奉甚儉而救苦濟貧輒弗吝惜戊子秋大水鄉人乏食氏開倉賑之活人甚衆中日之戰奎武請奉母避亂氏曰宜謀保衛鄉里即命子稟請知州徐慶璋立鄉團並捐貲購械徐嘉其義發給槍彈閩里賴以保安事聞於朝奎武得蒙獎氏以二十一歲守志至光緒

二十六年六十四歲以壽終民國十年八月蒙 褒揚志潔行芳匾額

張紹曾妻郭氏 城南三里庄郭萬昌之長女少孤十七歲于歸本村張廷祿之四子紹曾爲妻未及五年夫病故無子女氏矢志守節二十九年宛如一日侍奉翁姑昏定晨省里黨中皆以孝稱撫養孤侄煥階如已出及翁姑相繼棄養氏喪葬盡禮氏以宗祧無託雖甚愛煥階奈係孤子義不可出嗣乃以夫兄次子爲嗣諸侄分爭家產氏不與較甘守苦節毫無怨言民國十年十二月蒙 褒錫匾額白綬銀章建坊在三里庄北路東現入祀賢孝祠

許春溥妻王氏 處士王有忠長女十七歲于歸城南陳家台許有山長子春溥爲妻氏夫中式同治癸酉科舉人丙子恩科進士翰林院庶吉士丁丑散館授職編修官至參事府司經局洗馬氏隨任在京事夫教子久著賢聲二十九歲夫故氏攜一子一女扶柩返里矢志守貞時翁姑年已六旬女九齡子六齡氏含悲茹痛上奉老親下育遺孤每撫子而告之曰汝父中道而殂繼續先業惟汝是賴因名之曰紹志受業於胞叔舉

人春灑光緒己酉科考取拔貢朝考一等授職學部七品小京官歷充省議會秘書長特別區長官署科長學成名立雖伊祖若叔之教育氏亦與有力焉守節四十餘年民國十年十二月蒙 褒錫匾額并白綬銀章逾三年以壽終

張紹庭妻解氏 處士解永貴長女十七歲于歸城西南侯家屯張奎長子紹庭次年舉一子殤又逾年夫故氏痛欲自殉經親鄰勸譬乃止氏震震在疚竭力奉事翁姑暇則操作女工戚族以孝稱之不數年翁姑亦繼逝營治喪葬皆盡禮維時氏一人攜九歲夫弟支撐門戶督傭耕作一如曩昔爲夫弟延師課讀及時成婚夫弟生二女三子惠恩普恩兩恩甫脫襁褓歸氏撫育飲食教誨一如已出擇惠恩爲嗣娶婦魏氏舉一子及普恩四人男婚女嫁悉賴氏一身任之自十九歲守孀所可悲者子殤而夫喪而翁姑子婦魏氏繼娶子婦翟氏亡繼子年三十又亡夫弟三十二歲亡夫弟妻亦繼亡次侄婦楊氏亦亡均經氏另擇新塋安葬人生之苦已極里黨戚族咸贊歎之守節六十二年民國十一年由省署請褒揚

高萬山妻石氏 城西關石廣大長女光緒元年氏二十一歲于歸望水台高萬山越二  
年萬山渡河墜水死遺一女氏痛夫死於非命號泣不已欲盡節經戚族勸解復念翁  
姑尙在孤女待乳代夫奉親義不可諉遂矢志守節詎意孤女十七歲亦殤氏益悲傷  
或慮其悲極自盡氏朝夕奉事翁姑盡力致敬一如昔日翁姑歿哀悼逾恆葬祭以禮  
守節四十餘年民國十一年請褒揚

賈弼臣妻武氏 處士武慶雲次女光緒十七年年十九于歸城西賈雙樹子賈慕茹之  
子弼臣讀書攻苦患嘔血越六年病故遺子甫三月氏痛夫情切幾死復念翁姑皆早  
世所賴以延宗者惟襁褓孤兒死將誰託遂決意苦守撫育遺孤子名鴻藻視慈母如  
嚴師克承先業氏之教也賈故大族氏內而持家外睦族隣守節二十餘年鄉里稱頌  
之民國十二年請褒揚

李文毓妻喬氏 本邑諸生喬星階次女幼時習讀劉向列女傳竊慕古賢孝婦年十九  
于歸城西八里莊廩生李文毓文毓弱冠入邑庠未幾食廩毓文名課一時學崇實踐

清光緒二十一年累疾自分不起執氏手謂之曰夫妻百年不過電光石火今將長別所恨者二親在堂不能孝養反益親憂吾將以事親養志之事累卿矣氏聞之泣不能仰誓身殉夫笑曰死易守難卿勉爲其難可也夫故氏年二十九歲生二女無子夫弟二人皆幼舅姑痛子亡益頹廢氏自操理辛勤備至無何舅患癱氏日夕侍藥三載不倦舅歿而姑亦得癱瘓櫛沐便溺等事氏一身任之又復綱紀家政如是者又三載姑亡而兩夫弟又相繼以亡綜前後三十年養生送死教育繼嗣撫孤女理家務皆氏之力也民國十三年七月請褒揚

李春繼室吳氏 城東北大藍旗吳恒新之女吳系出旗族世有仕宦氏生性純淑頗嫻教誨年二十三歲適城東紅土崖李春爲繼室先妻王氏遺一女一子子名長蔭未滿三週教養無異親生時夫與兄榮已析居翁姑歸榮奉養居住同院氏謂夫曰婦不事翁姑非婦也故晨昏定省無虛日有旨甘必親奉進之他人見之不知其異居也不數年生女甫二歲而殤夫亦病故氏年二十九痛不欲生旋轉念曰吾夫以子女相囑苟



忍死須臾撫育遺孤庶可冀其成立喪葬畢氏與子女三人孤苦相依以故夫營商之資改置田園日用不足以裁縫所得資給之嗣爲子娶劉氏女遣嫁陳氏計守節三十餘年孝慈勤苦著於鄉里民國十三年請褒揚

馬殿一妻姜氏

邑人姜殿選之女年十七歲于歸城北土佳屯馬殿一有一子一女清

光緒三十一年殿一疾篤囑氏曰吾病必不起汝能代吾上事雙親下撫子女死無憾矣氏年二十三歲夫歿子女亦相繼夭亡年老翁姑悲痛欲絕氏飲泣吞聲治理喪葬事畢親理一切家務居有頃翁患癱廢三年不起中經庚子之亂居近南滿車站闔村逃避十室九空氏預爲措備扶持病翁衰姑載至東山中避匿數月之久百般溫慰俾免驚惶所需便身之物適口之食籌辦必周泊翁歿三年姑又患癱一切飲食便溺櫛沐等事不能自便氏日夕侍奉兼以操持家政勤劬備至又經三年而姑歿氏守孀三十餘年日在艱辛刻苦中而養生送死均稱無憾可謂賢矣民國十四年請褒揚

劉錫川妻尙氏

城東立沿溝

又名禮讓溝

尙志雲次女賦性嫻淑幼秉閨訓年十九歲適隣村

紅土崖處士劉錫川夫婦和睦事親孝謹翁姑相繼逝世氏佐夫理喪葬盡哀盡禮清光緒十二年錫川病故氏年二十八歲有子二仁溥年七歲義溥甫週歲家貧子幼孤苦無依氏哀腸百結轉念撫孤事重不可一死塞責於是堅決守節經理家務井臼自操子稍長即令受讀嘗訓之曰吾命薄汝等宜自強庚子甲午兩次變亂滿地盜賊屢經兵燹氏於此時毀形以自全顛沛而不渝其志卒使長子績學次子克家計守志四十餘年賢孝卓著一鄉焉民國十四年請褒揚

高秉謙妻孫氏 家居城北大路煙台氏年二十一歲于歸高秉謙越二年夫病故家清貧生計艱窘生一子尙在襁褓氏撫孤守志之死靡他井臼親操備嘗辛苦守節五十年內無伯叔之託外無戚黨之援孀母孤兒形影相弔家中一切用度惟恃操作女工拮据自給而始終不渝其志厥後子亦成立氏以壽終民國十四年請褒揚

高殿相妻王氏 海城縣民王貴啓之女二十一歲適本縣南禮備溝漢軍七品委官高殿相逾年生一子又四年殿相隨營在榆樹台擊匪陣亡其子亦於是歲夭殤氏子然

一身零丁無依乃矢志守節爲嗣續計謂庶幾不斬宗祧也遂以夫之從侄魁和爲嗣日在膝前教誨逾於親生詎嗣子三十三歲亦故遺一子名元順氏視之如掌上珠謂無子有孫日後尙有餘望遂殷勤撫育以至成立清季洎民國地方推舉元順歷辦自治警學各新政著有成績皆氏之苦心培養有以致之也守節六十餘年壽臻大耋人以爲修德食報云民國十五年請褒揚

袁作霖妻王氏 城西興隆台王祿名三女幼承家教性情肫篤年十七歲于歸城東陸甲房袁氏作霖讀書業醫有聲譽光緒十四年病故遺子二長文光七歲次文普甫二歲翁姑早故氏年二十有五袁故貧家徒四壁又無兄弟可依零丁孤苦幾無以自存然氏頗明大義不憚艱苦矢志守貞謂此襁褓兒儻能教養成人宗祀有屬吾雖日咽糟糠尙不至餓莩死於是每日勤勞女工以易薪米又勉強籌措督令孤兒入塾讀書備歷艱辛毫無怨色卒致子孫成立家境漸以小康計守節四十餘年鄉隣稱善焉民國十五年請褒揚

劉永閣妻吳氏 城東英守堡吳國本長女年十七于歸皇姑墳村劉永閣越十年夫病故有三子玉崑玉崙玉山女一長子方九齡弱僅週歲姑早故翁年近古稀衰憊不能理紀家務氏自念家道既衰舉家中人老者老弱者弱者弱事養撫育之責交畀一於身祇有勉強支持庶可以對亡夫耳於是昕夕操作能以菽水承歡並使少孤得以遂長氏守節四十餘年中經拳匪之亂日俄之戰盜賊蜂起氏之居里適當其衝而氏左右維持全家安全無恙及翁歿喪葬如禮男婚女嫁亦無不適宜民國十五年時氏年七十

一地方士紳特爲請 褒揚

張鍾森妻于氏 台安縣界轉心湖于清年之女年十九歲適遼城西長林子張鍾森爲繼室二十九歲夫故遺子鴻順未及三月前妻遺子鴻普甫十歲氏教養前子如己出時翁姑俱存氏朝夕侍奉無稍怠鄉里中以孝聞卒年七十歲民國十五年經士紳由縣轉請 褒揚

白魁恩妻李氏 邑人李世吉之女年十七歸楊家林子滿洲鑲白旗制兵魁恩爲妻年

二十八歲夫病故無子翁崇慶衰老姑王氏逾年亦歿時田無五畝室僅一椽氏含辛茹苦日以女工得資奉翁戚里皆無間言後以夫弟魁文次子庚寅爲嗣娶王氏無出而相繼俱亡又數年時民國七年翁年八十五而卒氏躬營喪葬儉能中禮現年六十六歲經邑紳由縣轉請 褒揚

杜廣富妻趙氏 城西杜家窩棚民人趙德福之女幼字本村杜氏十八歲于歸家徒四壁別無恆產氏事翁姑克盡孝道鄉黨稱焉二十三歲廣富故遺孤乳名迎春族名紹綱生甫九月時翁廢姑老氏晝操井白夜事紡織奉養無缺閱五年翁故氏竭力摒擋始就窀穸又十四年姑年八十七歲亦故益貧窘至沿門丐求以完葬事子紹綱稍長爲之娶婦四年紹綱又夭歿遺以襁褓兒姑孀媳寡形影相弔孤苦零丁而氏偕媳撫孫操作無少懈現年六十有三歲

吳之祥妻田氏 居邑北門外確堡年二十夫歿守志家道寒微撫養繼嗣卒能自立門戶使夫宗不墜爲女中範年七十有二終

劉殿會妻趙氏 邑人趙興仁之女年十六歲于歸邑西馬家屯劉門越七年夫故氏心堅鐵石誓死靡他家甚貧惟傭作女工撫畜孤子紹芳卒能成立氏年四十九歲病故顧宏才妻闖氏 年二十二歲夫亡有子僅數月矢志奉親紡績自養教子成立苦節五十餘年以賢孝見稱於戚里

劉清泰妻石氏 邑南區東新堡石明顯之女年十八適同區二道河子劉氏年二十五歲夫故遺一女一子甫三月名廷凱時翁姑俱存夫弟清奎清廉皆未成立氏矢志守節上事翁姑下撫弱息備極辛苦無何夫弟清奎持家揮霍無度家貲日薄氏無怨言及翁姑繼歿氏親營喪葬既而家計益窘夫弟皆另炊氏勤儉自持聘女娶婦教子至於成立守節四十餘年民國十二年卒年七十

盧會德妻張氏 母家城北三界壩父鳳翔氏年十七歲適邑北邵二台盧氏二十二歲夫會德病故遺一女甫八十日又家徒四壁惟賴自己鍼綫手工度日翁衰老姑失明出入扶持亦惟氏是賴姑歿葬之以禮里黨稱之氏現年六十四歲



戴修閣妻聞氏 居城西南穆家堡年二十二歲歸戴越四年夫修閣故遺一子名欽士甫脫襁褓氏撫育孤兒至於成立三十餘年備極艱苦現年五十五歲鄉里士紳特嘉其節爲之請 褒

祁春泰妻高氏 母家城東釣水樓故高士英明府之姊年十八歲適同區水峪村祁鐸之長子春泰爲妻甫八月夫病故家中不貲氏晝治中饋夕則紡績藉資度日又以翁姑在堂旨甘之奉無或少缺以故頗得堂上歡至三十五歲以夫弟之子東鄰爲嗣而勤苦操勞始終不渝計守節五十餘年現年七十歲

賈克明妻陳氏 城北西黑山屯陳廷士之女年二十一歲歸士佳屯民人賈姓逾年夫克明故生子甫十八日夫兄弟四人翁姑年老侍奉之責氏一身任之子稍長教之讀後習商光緒甲午庚子兩次變亂翁姑憂鬱成疾相繼亡夫兄弟等皆分居其子以商業虧賠家道中落氏於是益勵勤儉嚴督子孫皆務本業衣食粗給計青春守節備歷辛苦五十餘年始終不移鄉里稱賢民國十五年冬爲之請褒現年七十二歲

關明誠妻何氏 城南長嶺子何壽亭之長女年十九歲于歸本城關氏滿洲正藍旗前清護理城守尉哈隆阿之次子候補驍騎校明誠氏年二十九夫故遺一女二子零丁孤苦無所依倚氏守志持家教育子女始終罔懈長子啓元現充特別區昂昂溪警察署長次子啓文前分省補用縣丞皆學有成就氏之教也氏卒年七十有四

關景春妻黃氏 城東南黃家廟子黃福公之女年十七歲適領催關景春爲妻關明誠之胞弟婦也二十二歲夫故遺一子尚在襁褓時翁姑年邁氏仰事俯蓄能代夫職子名托佛渾娶呂氏詎子媳中年俱亡祇留一孫呱呱在抱氏迭遭事故痛不欲生但以雙親尙在無人奉養一息尙存不得不勉及日俄之役翁姑相繼而歿所有侍藥以至喪葬悉竭誠盡禮里黨交稱之曰賢清末年卒年六十有六

馬慶芳繼室金氏 母家城西南接官堡年二十五歲適城西大落虎莊漢軍旗籍馬慶芳爲繼室台卷三日夫因充驍騎校公務紛忙返奉未及二旬時疫昇歸精神恍惚口不能言經醫無效信宿而卒前妻金氏無出夫弟慶桐妻孫氏早卒遺一女姑黃氏雙

日失明氏既痛夫夭折又自痛命薄欲自盡親友及其姑勸說意仍未解其姪女執其  
手泣涕不已氏知書明理乃悽然曰余死非義遂立志守節盡孝撫孤葬夫畢每在姑  
側則愉色婉容以承歡暇則教姪女讀書習字無何夫弟蕩盡家產其繼室張氏亦故  
遺一子氏撫之爲嗣以生計艱難乃晝作鍼線夜勤紡績夏耘田秋采薪居賤食貧三  
十年如一日故戚族咸稱頌之

高萬會妻單氏 城南沙河單謹之三女年十七適八卦溝高吉之三子夫萬會因讀書  
失養嬰狂易之病氏敬事不怠歷十四年夫病故翁姑老且病夫兄萬選出繼長門次  
兄萬岐業農氏無子生女甫四歲氏內勤家務外睦鄰里頗得堂上歡又十二年翁姑  
相繼辭世夫兄皆分炊氏自立門戶教女成立並讀書知禮族人議以夫兄子某爲嗣  
氏愛之如己出計守志三十餘年始終不渝民國十六年依例請褒揚

徐廷發妻趙氏

城東東京陵滿洲趙永春次女舉人文荃之姑也年二十一歲歸同村

徐廷發爲妻逾三年夫故翁德成姑張氏未逾年相繼病故氏生遺腹子家貧無以餬

口苦心孤詣矢志靡他惟以鍼黹度日守節五十四年卒民國十六年請褒揚

穆榮春妻子氏 居城東新城咸豐八年氏年十七適穆氏二十九歲榮春故遺一子廣海甫十歲家徒四壁饕殮不給母子零丁無所依託氏母家居楊寨子亦無力周卹或勸之再醮氏以生爲穆氏人死爲穆氏鬼自誓乃爲人傭工得工資教子入塾讀書後習岐黃術長於外科遇貧人輒不取藥費或以爲得賢母之教云氏年八十餘以壽終鄉人爲之立碑於新城之小北門外

郭明桂妻武氏 處士武榮女年二十四歸黃金屯郭爲繼室越七年未育而夫卒前妻遺二女皆幼姑病癱瘓有薄產己出典人欲奪其志氏堅拒之子然一身操井臼親紡織並日夜爲人作女工得資餬口又必爲癱姑進酒肉如女焉其待二女如親生長適李姓次贅婿王貴尤難者三年之中翁先夫喪姑繼夫亡氏不忍三喪之浮厝也遂盡鬻妝奩及器具以葬嗣漸有積資贖薄產依贅婿養老卒年八十四計守節五十四年如一日鄰里戚族敬之民國十六年請褒揚

王家翰妻賈氏 土佳屯村賈連先女年十七歸大路煙台王家翰爲室越五年夫病歿遺二子長名英奎次英斌翁姑年均半百夫姊妹三人未嫁氏事親撫孤兼送嫁姊妹悉合禮罔不敬謹二子已由模範高等小學卒業均各授室氏於民國初年逝世年五十一計守節三十年如一日戚族稱賢民國十六年請 褒揚

王殿興妻舒穆祿氏 徐承福三女舉人德明之胞妹年十七歸同邑王氏年二十九夫歿遺二子一女家貧翁姑年邁氏經理家務仰事俯畜無稍懈數年翁姑相繼歿長子寶成又夭折境益困氏心益堅操作益勤次子寶聚爲棉商長孫富果爲縣署科長氏守節四十四年民國十六年請 褒揚

王文齡妻郝氏 城東桂家堡子郝儉長女年十七歸偏嶺村王氏年二十九夫故時翁姑在堂四子一女以事畜爲己責操勞家務奉親先意承志教子勤於耕讀數年翁姑相繼歿而橫暴者流或爲貨財或因壠畝借端侮之而不可得居恆至儉而親族貧乏者多周給之子或不勤乃泣以戒曰汝不成人予何以對死者故子孫多賢守孀四十

年孝慈勤儉如一日鄉里稱之

牛恩德妻吳氏 居邑西南高麗堡年十八于歸越七年夫恩德歿生女一甫二齡遺腹子名紹宗未幾翁故姑有宿疾夫弟恩魁尙幼家故貧氏紡績典鬻簪釵以理喪葬躬侍衰姑咸盡禮並爲夫弟與子擇師課讀及婚嫁等事均一身任之民國十六年六十四歲守志四十年如一日經士紳特請 褒揚

常雲壽妻魏氏 居邑北白三家子年十五于歸逾四年夫雲壽病歿遺一子在襁褓上有翁姑氏事親撫子矢志無他朝夕工作辛苦備嘗半生長齋奉佛清宣統二年旌表建坊賜有柏舟風節匾額氏今年七十有餘鄉人敬之目之爲老修行

崔九經妻滕氏 徐公堡滕志武之五女年十七歸二台子崔氏越四年夫卒時翁姑年邁子僅四齡氏遂矢志守貞不幸姑又失明氏躬親扶持始終無倦又復教子教孫俾克成立計守節三十六年民國十六年請 褒揚

周剛妻徐氏 係邑東鷺眉庄前清武舉徐良之姊年二十一歸本村周剛爲室越七年



夫歿子女俱無翁老姑故家貧難以擇嗣幸遺腹生男名曰廣聚氏茹苦含辛教養孤子卒能成立計守節三十八年六十六歲卒民國十六年請 褒揚

趙富倫布妻苗氏 城西大駱駝背苗玉珍長女年二十歲于歸夫富倫布生母王氏早世繼母周氏生二子翁雙慶係遼陽滿洲鑲白旗領催常年在在外周氏遇富倫布甚虐氏入門謹執婦道而終不能回翁姑意夫之胞兄富森布舉人出繼長門富倫布被逐別居既自恨不得乎親奮志力學冀博科第以悅親遂嬰疾而歿時氏二十八歲生有三子姑使人諷之再醮氏誓死不渝卒能教子成立並勤苦持家至於小康及姑歿夫弟家道衰落無以爲葬氏囑子出資殮葬之故宗族里黨交口稱賢焉計守節五十年卒民國十六年請 褒揚如例

貞烈

李君進妻王氏 金天德八年君進卒將發引戚里咸會氏謂衆曰夫婦死同穴義也吾得從良人逝不亦可乎因撫棺大慟嘔血升餘而死衆歿之與夫連棺出葬送者數百人莫不灑泣

趙洙妻許氏 元集賢大學士有壬之姪女至正十九年紅巾賊陷遼陽洙時爲儒學提舉夫婦避亂匿資善寺洙以叱賊見害氏不知也賊甘言誘之令指示金銀之處氏大言曰吾詩書冠冕故家不幸遇難但知守節而已他不知也賊以刃脅之色不變已而知其夫死因慟哭仆地罵聲不絕於口且曰吾母居武昌死於賊吾女兄弟亦死於賊今吾夫又死焉使吾得報汝當醢汝矣遂遇害寺僧見氏死狀哀其貞烈賊退與洙合葬之

文宗信妾白氏 宗信爲遼陽行省丞病篤氏昏旦潛禱於神至忘寢食宗信語之曰汝年方二十我死汝當奈何氏應曰妾身草芥賴夫子以存活萬一不諱妾不獨生宗信

死迨殮氏盡出箱篋分給親戚沐浴告別主母自縊而死親戚義之與夫同葬

徐文中妻王氏

明定遠後衛人嫁生員徐文中爲妻嘉靖中爲寇所執強挾上馬屢投

地大罵不從斷其手斫身數刃而去氏一息尙存見文中曰名節無玷死無憾矣遂瞑目

高元昌妻金氏

明遼陽人原昌素疾娶未逾月病篤母慰氏曰善視湯藥莫辭勞苦汝

年少無出自有名門擇配氏泣曰夫死不嫁禮也何出此言夫卒氏哭累日自縊死事聞旌表

邵倫妻張氏

明遼陽人倫故張自縊與夫同葬

董欽妻劉氏

明遼陽人欽故劉撫屍痛哭自縊死

韓連妻呂氏

明遼陽人連有疾氏知不起遂先夫自縊兩柩同葬

馬汝麟妻甯氏

明遼陽人夫死自縊而死

劉烈女

小字四姐遼陽正黃旗人少失恃父有廢疾患啞依嫂以居嫂與牛七通恐女

露其事欲並污之女抵死不從遂爲所殺事發姦淫俱伏誅清康熙中旌表墓在西門

外另詳

康泰妻楊氏 年十八歸泰有康三者乘夜逼姦氏力拒不從遂見害清康熙五十二年

旌表

王德純妾張氏 居城內雙井街乾隆間夫逝世矢志自守氏年二十餘夫弟名德盛迫

令改適氏自念先夫歷官清苦聲名藉甚寤死不貽先夫羞遂自縊其家後人以張氏無出墓久不修洎道光末年塚猶隳然人以爲節烈使然也

常可發妻徐氏 遭強暴逼姦氏抵死不從見害清嘉慶六年旌表入祠

王殿一妻依爾根覺羅氏 依爾根漢譯爲趙氏年十七歸王家數月夫患瘡不起氏左

右扶持三年不倦夫病卒氏年二十一矢志守節清光緒庚子閏八月俄人入城盜賊起里中無賴李成侑示意殿一兄殿書導以再醮殿書怒某變色而去次日來欲掠之去氏以剪刺心昏絕於地少頃復甦人慰解之氏默然至夜縊死宣統元年經東三省

總督徐奏州民李成佶強奪王趙氏未成致令羞忿自盡該氏不甘失節捐軀明志洵屬節烈可嘉應請旌表禮部援例准由地方官給建坊銀三十兩節孝祠內設位致祭云氏姊字禮部漢軍旗人王姓未嫁夫卒氏姊衰絰往殯葬畢留事翁姑今人稱爲賢良女云

王守成妻盧氏 居城東北伯嶺子年十七歸王甫七月夫卒氏矢志不再嫁光緒庚子城陷家人將遠避氏不從欲即死迫之行閱數日復歸至家飲瀘不死時賊橫掠孀婦翁姑急欲爲之擇嫁以免氏至夜剪金吞之仍不死復竊食砒霜益以鴉片乃死

貞女訥格氏 清宗室女例贈四品縣主前清時旌表入祠

事實待詳

盧烈女 城北邵二台人年十七父母早亡依兄嫂以居光緒庚子之亂從嫂避亂黑山屯被賊掠去欲迫之女罵賊不絕聲卒死

姚宗舜繼室吳氏 居城內氏幼失怙恃惟兄嫂是依兄儒醫吳月舫也氏年二十四歲適姚爲繼室先妻遺子慶雲甫八歲吳待如己出將二載夫病故吳通知兄嫂購地於

城南葬焉事畢飲藥死氣未絕時兄嫂等咸欲營救其姊劉氏曰殉夫節也宜勿救以成其志遂與夫合葬焉時光緒十八年經京官張露恩由禮部奏請旌表如例

赫徐氏

城內滿洲鑲白旗舒穆祿氏

譯姓徐

雍福孫女光緒初適城東釣水樓赫姓年二

十歲夫亡矢志守節意欲繼子承祧其姑不從因託媒令再醮及期強曳之登輿中途服毒身死先是雍福施捨義地在南門外並修鬼王廟一座預備客籍停柩氏之母族遂奉氏木主祀之廟內氏叔父德英孝廉題云不事二夫克盡節義中途一死足振綱常

顧萬慶妻鄒氏

城北門外鄒孝廉大魯大鏞之胞姊年及笄適城南大樂屯內務府鑲

黃旗人顧萬慶氏幼嫻姆訓性剛能耐苦顧家不中貲氏佐夫治家親操井臼勤紡織事翁姑以孝聞逾年夫病故生一子名乃中欲以身殉氏母劉誠之曰死夫義也然非其時反害義汝翁姑在堂遺孤在抱家無次丁汝死將安託乃止葬夫後閱四月生遺腹子名乃斌而翁姑以思子故翁癱姑失明氏視膳奉匱浣滌先意承志家雖貧素而



旨甘之奉無缺計養親撫孤二十餘年蓋備嘗辛苦矣清季日俄之役匪人四起擄掠婦女懼辱節又二子成立侍親有人慨然曰從夫地下此其時矣遂從容自縊光緒三十三年禮部題請旌表洎民國六年氏弟爲建坊於大樂屯之衢入祀賢孝祠

趙烈女 城西杜家窩棚村士人趙奮鰲之女趙輯五胞妹乳名頂珠年十九未字光緒庚子之變十月十日有匪首小閻王遣人示意擬娶女爲妻伊兄聞耗乘夜攜家改裝逃匿劉二堡外祖家十三日匪衆來見室空無人怒將火其室里人百般哀懇限三日將女送到否則闔村灰燼女稍有所聞急向兄言願一死赴難以解闔村之危兄不忍潛赴遼海招撫團求救鄉人屢至劉二堡告急女見事已無及仰藥死沉綿之際告衆曰余死以後屍示匪則圍解矣噫以弱女子如此從容就義以保全家庭社會誠可風矣

尙景彰妻崔氏 城東南小嶺子村崔富官之長女也清光緒十七年氏年二十一歲于歸城東後參將峪商人尙景彰爲妻十年夫病故並無子女自念無依而生不如殉夫

遂背親友家人仰藥而死

曲承麟妻袁氏 城正北山藥舖漢軍正黃旗領催袁金鏞之三女袁金鎧之姪女名桂  
堉幼承家訓志行端潔又肄業貞靜女校深明節義許字優行廩生曲揆一之子承麟  
爲妻承麟體素弱又幼年失怙刻苦力學遂患勞瘵氏聞之憂形於色其父母與其胞  
叔默體氏意擇吉遣嫁歸曲後侍夫藥日夕無倦逾兩月餘夫故氏料理衣衾畢從容  
仰藥而死士林聞之莫不感歎時在宣統元年邑紳數十名聯銜呈請轉詳督撫奏准  
旌表入祀賢孝祠

馬永田妻李氏 氏係城內東街馬慶林次子永田之妻幼讀書頗知大義清光緒二十  
年氏夫從軍甲午之役陣亡於鴨綠江岸遺一子名元均當時氏欲尋夫骨不則即以  
身殉翁姑不允復以親老子幼隱忍作罷將從前筆墨書籍悉焚棄之惟以事親撫子  
爲務壬子歲武昌起事其姑已病故子已長常與家人言一死盡節家人不介意是年  
舊歷十一月九日竟自縊身死於箱籠中得氏臨終決絕手書一紙氏胞弟李恩普到

法廳呈出略曰吾夫充兵陣亡氏撫孤養老矢勵冰霜恒於鍼黹之餘繙閱史書每遇  
俠烈女子不禁感慨係之今日武昌事起除山西巡撫陸公舉家盡節此外無一死難  
之臣氏雖女流幼讀詩書早受教育略知大義當此時局既不能救援亦不忍坐視惟  
有捐軀以報不獨愧厲一般貪生怕死辜負國恩之大小官員且有以對我祖我父受  
朝廷之厚遇也氏以爲堅於守節尤當勇於殉節非不知好死不如賴生值此變亂之  
時生辱不如死榮等語案經縣署查明實因變亂殉節即於是年冬特請旌表云

陳廣榮妻張氏 城東憐牛屯張玉珍之女清光緒二十四年時氏年十七歲于歸同鄉

土門子陳廣榮爲妻廣榮苦志求學積勞致疾娶氏未滿一年而亡氏年雖少而志甚  
堅誓守苦節又逾年值庚子之變地方盜賊充斥氏方在母家叩之曰爾何志氏以死  
誓嗣送歸陳家人避亂東遷會某姓孀婦被賊擄氏自念青春嫠婦恐難自保又貽禍  
於家庭一夕家人皆睡熟氏潛起仰藥自盡及黎明家人始覺則已無可救矣地方士

紳重其義烈於民國八年據實上請 褒揚匾額

趙乃普繼室韓氏。城東水峪處士韓錫九之長女年四十二歲適小趙台趙乃普爲繼室先妻遺子女五人氏無出氏歸趙後處家庭內外翕如也人無間言先隨夫之陝西延安府任後調高等檢察廳長從夫返省寓凡鍼黹澣濯等事常與女婢共之不以爲勞洎國體改革氏隨夫棄官返里家素業農夫弟乃弼明經理家政氏與夫安蔬糲若素焉後以食指多恐子弟游惰因析居日用七事惟氏督率操作之不以已無所出而稍懈辛酉孟春夫患病氏日夕侍藥衣不解帶者四十餘日及夫故哭之痛終日勺水不入口人勸之始啜泣惟自歎薄命而已越數日猶料理家務與喪葬事且誠兩男謂家無多產宜從父命寧儉勿奢等語詎於夏正三月十二日晚起更衣竟投繯自盡家人覓之氣已絕矣急檢殮具見臥衾中衣服冠履均備殮時除襲衣外衷衣已易新矣蓋殉夫之意早決人特不知耳民國十年蒙 褒錫匾額入祀賢孝祠

吳文燕妾繆氏 浙江人幼年爲奸人所略賣至山西太原覓死不獲急逃於濟良所吳納之爲側室女工之暇偶談古人節烈事未嘗不泣數行下民國初吳解組歸三年秋

七月故於城北河工堡里第殯後氏即從容仰藥殉并手握白巾意謂家有老母以白

巾爲孝服也

清例妾殉夫無旌表此姑存之

隋鶴齡妻王氏

城西教場漢教習王壽椿長女年十七歸馬家堡子隋鶴齡光緒庚子

之變土匪蜂起捐搶殺燒無所不至鶴齡被匪逼勒飲藥自盡而匪逼如故氏乃囑老僕負其二子潛逃遂亦飲藥死里人哀之將其夫婦合葬焉時年皆三十三歲

馬家堡子後撥歸遼中

韓振儒妻張氏

城北夾河張有廉之女年二十一歲于歸次年中日戰事起家居韓夾

河適當其衝舉家避居海龍朝陽鎮未幾夫振儒病故氏哀痛欲尋死自念遭此喪亂生不如死死不如速乃屢欠覓死而不得間遂安心守節以奉翁姑孰意歸里之後又值日俄之戰維時土匪肆擾家一日而數徙氏恐遭強暴乘人不備服毒死現經依例請褒

白寶綬妻張氏

邑西繡江堡舉人寶珩之女進士平格之胞妹幼嫻禮義尤工鍼黹烹

飪諸事年二十一歲適邑北白三家子寶綬爲室寶綬補盛京筆政生子緒昌優級師範畢業女三光緒庚子八月五日外兵入境舉家避亂邑東樓子山聞外兵有汚辱平民等事恐遭意外遂私自仰藥其幼女覺而呼救已無及矣時年甫四十聞者傷之

### 貞女

鄭貞女 廣寧衛指揮鄭雄之女未及笄遼陽孫棣聘焉閱二年孫棣故女聞訃設主哭奠水漿不入口者三日誓不更適女工於鍼黹舅姑遠在數百里外時以女紅問安否如曾侍左右者父母以棣未奠雁欲醮之女聞終日不飲食父母知其志不可奪也乃已年未老而容瘁齒落年八十三歲一夕有羣鶴飛翔屋上次日女卒遺言歸葬遼陽嘉靖己丑旌表賜額曰渾金璞玉程啓充作序歌詠其事

見全遼志

趙貞女 清滿洲正黃旗依爾根覺羅氏趙慶恩之女居城東北小堡幼許漢軍正黃旗王文秀長子建業住城東施官屯光緒六年建業年十七病故女年十八猶未成婚也女聞訃悲痛無地自請於父母親往夫家哭奠父母沮之親戚等再三勸慰之女志不



可回否則以死殉之遂往爲夫成服既葬建業乃留夫家執婦道鄉里播爲歌辭稱之曰賢良女有士人贈其家聯云貞性本於天非爲立名專立節榮褒自有日但期全始貫全終氏秉性孤高現年六十餘族人爲之立繼嗣計四十餘年勤苦持家始終如一焉

賢婦

劉常廣妻黃氏 居縣西劉二堡少聰穎嗜讀書尤喜閱古今節烈諸傳在母家以孝聞年二十歸夫家奉侍舅姑先意承志常廣在外就傳尋補貢生不克時常定省氏在家曲意承歡無違言無倦容藥餌之供羹饌之奉衣服之浣溺便之滌一身任之凡十餘年久而彌謹及年三十三常廣逝世子甫八歲卽讀詩書氏乃綜清家事營治喪儀于發引之前數日夜勺飲未進意欲潛圖殉節戚友窺見苦言相勸遂忍痛操持家政孀居三十年勵節冰清鄉中人無間言又以姑老在堂氏平日不露悲泣而衾枕淚痕常浸潤焉至於菽水侍奉較夫在時更無微不至光緒十年卒壽六十有四

義婦

李鏡蓉側室徐氏 邑民徐廷祥次女二十一歲歸邑紳李鏡蓉適乃翁李月卿宦遊歸來家道全盛花好月圓之秋自不曉家人生產事迨清光緒十九年至二十一年間翁姑相繼逝世二十六年冢婦卒幾經家變相夫治喪盡禮氏之操持家政自此始三十年遼市錢法毛荒鏡蓉所營錢業虧折至鉅致抑鬱以終時氏年三十六歲身無所出撫冢婦遺子女五人值公私債權交迫竟遣子遠揚毅然肩此鉅任經年纏訟親自到官折辯卒致措置無事而已家貧如洗又不幸遭子之喪姑媳相依典衣鬻奩以度生活艱辛淒楚之中毫無異志持籌握算日無暇晷漸有盈餘乃買田宅閱十數年家道迄於小康子孫可無凍餒皆氏之力也

壽母

馬宗融母許氏 城西北黃金屯清內務府正白旗壯丁馬吉裕之妻候選訓導前署開通縣知事宗融之母織造庫催長仲咸之繼母筆帖式世芳之祖母曾孫雲梯等十人

玄孫保勳等五人光緒二十八年氏年八十四歲五世同堂邑紳援例請旌文內有太和翔洽門庭衍瓜瓞之庥化日舒長閨闈表耄耄之瑞等語

白永貞母高氏 內務府旗人高華桐之長女年二十一歲于歸夫吉祥體素弱兄弟五人因病就醫不能服農務兄弟妯娌閒頗有責言氏聞之不與置辯嗣後隨夫出繼值同治初年歲屢歉所有中饋事以身任之兼治園蔬乘月績麻篝鐙紡綫所謂女紅一月得四十五日正如此也賦性節儉夏不揮扇冬不重緜遇饑歲拾野菜以米粉秕糠爲團以充飢而堂上旨甘必豐備及翁姑先後棄養佐夫營喪葬幾至眠食俱廢鄉鄰中咸稱賢孝焉光緒十四年夫病故子永貞在外就館又值荒年氏躬操家務自奉尤儉計一年零用不過東錢數千文然遇親族中飢餓者常自縮衣嗇食以衣食之並迎其姒解氏於家以養贍之光緒二十年大飢囑子購粟以賑鄉里晚年家稍豐家人爲之另備羞膳輒沮止之曰有福不可享盡但得飽暖足矣並嘗以此勗子孫焉民國十一年時八十七歲卒卒之歲身體依然康強猶能裁縫做鍼綫工彌留前二日猶爲曾

孫輩補綴衣服云有子一孫三曾孫五壽考維祺子孫逢吉修德獲福亶其然乎

### 孝女

趙趙氏 邑之北門外東園趙氏女適周官屯趙成普爲繼室幼入家塾讀書於古之列女孝義可風者輒心慕之民國十五年冬其父承安患痰喘百醫不效適氏來歸寧痛父之疾苦一夕焚香祝禱以祈病愈人固未之異也乃於人靜時爲父煎藥出利刃割左臂肉一片置之藥中進之父不知其割肉飲之卒不瘳然氏之愚孝求之晚近不數覲也

### 孝婦

唐楊氏 邑內縣署胡同唐正治妻名淑蘭係前都察院經歷楊桂年孫女年二十一適唐氏頗得翁姑歡于歸八年姑孫氏患病延醫調治百方無效氏平日粗知詩書聞古人有割肉奉親以療病者值姑病危急之際夫正治又在哈爾濱督辦公署充差未歸氏乃默祝天地背人將左臂肉割下一片入藥煎湯以進姑病遂愈是雖愚孝亦可風



流寓志卷十六

古之君子出則利國福民處則訓世化俗即或不幸遷謫流徙如龍之潛如豹之隱而居止之鄉薰其德而善良者不知幾千百人奕世猶慕餘馨焉所謂所居民樂所去民思非倖致也遼東開化較內地稍遲自管邴諸賢避居於茲而禮讓之風日講辛養正劉求素等被謫戍遼文化因而輸入論者謂文翁化西蜀陽明居龍場不過如是爰述流寓志第十六

管 寧 字幼安北海朱虛人漢末黃巾賊起與邴原王烈避居遼東公孫度虛館以待既見與度語惟談經典不及世事退居郡北山谷中避難者就之旬月成邑講詩書陳俎豆非學者不見由是度安其賢民化其德其所居屯落井汲者或男女雜錯或爭井鬪鬪乃密置汲器井旁以待之鄰牛暴其田寧爲牽著涼處而飲食之牛主大慚若犯嚴刑自是左右無鬪訟之聲禮讓行於海表居恒坐一木榻五十餘年未嘗箕股其上當膝處皆穿一皂帽終不易度庶子康有僭位心欲官寧以自重而終不敢發其敬憚



如此魏文帝即位徵之時公孫康死舍嫡子而立恭寧知其將亂乃將家屬浮海其後淵果篡恭位僭稱王爲司馬懿所滅遼東死者萬計方其歸也遇風船皆沒惟寧船自若時方夜黑舟人望見火光趨之得島島中竟無居人其在遼東度康恭前後所資遺皆受而藏焉及西度盡封還之既至屢徵不起年八十四而卒遼邑人祀之於鄉賢祠

王烈 字彥方平原人師事陳太邱與荀爽邴原等友善通識達道秉義不回時譽在管寧之右舉孝廉三府並辟皆不就董卓亂避地遼海躬秉農器布衣蔬食不改其樂人奉之若君能使遼東強不凌弱衆不暴寡商賈不二價有信讓之風公孫度欲屈以官乃爲商賈以自穢曹操屢徵之遼東不遣年七十八卒遼邑人祀之鄉賢祠

邴原 字根矩北海朱虛人少與管寧俱以操尙稱中原方亂偕避遼東同郡劉政有勇略公孫度欲殺之盡捕其家政匿原家月餘適東萊太史慈當歸原以政付之既而謂度曰將軍欲殺防其害已也今政已去害除矣度曰然原曰君之畏政以其智也今政已免智將用矣不若並赦其家無重怨也度乃出之原又資送政家還郡原在遼一

年歸原居者數百家游學之士教授之聲不絕原性剛直常以清議格物度以下心不安之管寧曰潛龍以不見成德言非其時皆招禍之道密遣之西還止於三山孔融遣之以書復反積十餘年乃歸歸後度嘆曰邴君所謂雲中白鶴非鶉鷄之網所能羅矣遼邑人祀之鄉賢祠

高瞻 晉字子前渤海人光照中補尚書郎永嘉之亂率數千家北徙遼東慕容廆署瞻將軍稱疾不起廆撫其心曰君之疾在此也君中州冠冕宜枕戈待旦奈何以華夷介且大禹出於西羌文王生於西夷但問志畧何如耳豈以殊俗不可降心乎瞻乃辭疾廆深不平之或勸廆加害瞻聞之以憂死

朱善 明人字備萬江西人洪武八年廷試第一除修撰明年以家屬不完謫教於遼東十七年上思用老成授翰林待詔尋校文禮闈撤棘之日陸文淵闕大學士

辛浩 明江夏人字養正有學行正統間被謫於遼時郡庠生丘霽周正胡深顧能邵奎皆受學焉相繼登進士第浩後卒於遼郡人張昇輓詩云一朝烏府辭金豸十載紅

塵歎白駒無復生還遼海鶴豈期望絕武昌魚芳名空著金閨籍事業深藏石室書痛殺故園慈母在白頭猶自倚門閭

任良弼 明山西平遙人由進士陞吏科都給事中劉瑾時謫戍於遼居數年詔還擢通政司通政

姚祥 明廣東歸善人歷官按察副使正德中謫戍後復官

張偉 明直隸吳縣人歷陞郎中正德中謫戍後復官

崔璿 明順德府廣宗人歷官尙寶寺少卿正德中謫戍後復官

劉玘 字求素安福人正統進士任刑部員外有胡指揮因妻姦謀殺人玘論如法其人素附權幸改讞於錦衣衛坐玘以故入罪謫戍遼陽在遼五年日以文章自抒寫題其集曰養晦卒於戍所

王儼 字民望華容人成化進士歷陞侍郎正德間求直言儼首論鹽法芻粟悉貴戚宦官侵壞劉瑾啣之摘他事繫獄煅煉無所得瑾又使人諷儼附己不聽矯詔謫戍遼

東僑居遼陽瑾誅有還嘉靖初賜存問年八十有八卒

徐文華 字用光四川嘉定人登進士仕至監察御史嘉靖間大獄起編成遼陽文華有節操工詩文與給事中安磐侍御程啓充給事中彭汝實相唱和後遇赦還至靖海卒隆慶初贈僉都御史

黃正色 字士尙無錫人嘉靖進士歷南臺御史時巨璫鮑忠護太后梓宮葬承天怙寵贖貨正色陳其罪忠等誣正色於梓宮前騎馬張扇遣戍遼左正色荷戈就道隆慶初復原官遷南太僕卿祀遼陽三忠祠

李振翮 字凌霄山東黃縣人業儒深通醫術光緒初來遼寓居城西公什屯垂三十年不蓄妻子得藥資有餘即作慈善事村東有南北河溝一道阻碍通衢車馬至此輒旋灣或傾覆振翮獨力捐資庀材鳩工創建石橋一座泥淖之險化爲坦途行旅遠近稱便鄉人德之爲立石碑名曰雲路橋以李別號雲路也 按保安寺廟產頗豐又近在此河西岸乃將此善舉讓客籍人爲之可恥孰甚

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

漢書卷之三十一

遼陽縣志三編

政治

立國三要素曰土地曰人民曰統治權蓋無政治則國無與立即在一邑亦何莫不然  
有土有人而後得施政治勢也顧古者兵刑錢穀悉委之州縣令長今則司法分立自  
治萌芽佐治機關紛然並舉事權既分責任各有專屬矣試述於左

行政公署 遼陽縣知事為地方長官第一職之民治時起  
名林竟故曰知事宣統二年總督趙爾巽奏擬吏治開辦衙門制等語各屬現仿房  
庫庫改更總身工員民事科刑房稅務科戶倉房為日自科長兼設統計一科與科  
長科長科員各一書記無定額另專司法官三十名宣統二年地方法擬成京執任  
法擬成法擬成法擬成法擬成法擬成法擬成法擬成法擬成法擬成法擬成法擬成  
法擬成法擬成法擬成法擬成法擬成法擬成法擬成法擬成法擬成法擬成法擬成



自出漢書帝崩關帝烈並舉事辭聘長資并谷亦喜關突結張於武

自出有人而發得嘉嘉帝受此圖古春吳惟無得悉委之於關合具今關國諸公立自  
立圖三夢水曰士服曰人吳曰歸帝對蓋無其指圖圖號與立圖亦一也亦同莫不辨  
帝

關漢志三議

# 行政司法志卷十七

政治與時爲變通泥古而非今與尊今而薄古二者均弊貴在因時制宜無違於治道本原而已治邑與國有廣狹無殊軌也考諸遼陽歷史治法數變時而爲郡爲國爲京爲衛爲府爲州縣中間棄而復置百爲草創幾於日不暇理欲求一代之制爲百年不易之法殆未之有也故志行政司法斷自清初已前從略述行政司法志第十七

## 行政

縣行政公署 清舊制稱遼陽州衙門現設縣知事爲地方長官掌一縣之民治財賦循名核實故曰知事宣統二年總督趙爾巽整頓吏治剔除衙門積弊通飭各屬裁併房班遂改吏禮兵工爲民事科刑房爲刑事科戶倉房爲戶倉科並添設統計一科每科置科長科員各一書記無定額另募司法警三十名三年復改爲行政執法會計三科統計科仍舊民國建元改州爲縣統計行政會計改爲三科二年地方法廳成立執法科裁改法警爲衛隊縣署稱縣行政公署是爲行政司法機關分立之始遼境縱橫均

一百六十里人民幾達百萬素稱繁疲難之要缺爲知事者向例迴避本省六年任滿乃更代寬其任期俾得考察風俗利弊定施政之方針厥後變通前例更調無常一年之內有數次迭舊迎新者人懷五日京兆之心於應興應革各事尙未及知即或知之而亦以勿動爲大務爲繭絲不違爲保障於是官以署爲傳舍而熟諳故事之老吏幾同逆旅主人欲求治軼前古將安恃哉

署內現行之組織 縣知事隸屬省長及道尹爲一縣行政長官依據法律命令執行縣內行政事務第三科併入第一科辦理統計全境出入欸目預算決算及一切行政事務科長一員承縣知事之命令辦理本科事務科員兼技士一員協助之辦理繪圖及勘工事件僱員五名第二科主管徵收田賦田房契稅及一切財政事務科長一員承縣知事之命令辦理本科事務科員一員協助之僱員六名衛隊八名役六人守衛縣署聽知事差遣傳達各事

徵收櫃

附

遼陽徵收向分牛倉內倉遼倉民倉四倉自民國十一年徵收改組畫鄉設櫃

分一三三四四櫃設監徵員一每櫃各設一等僱員一名二等僱員五名臨時僱員無定額薪水由縣署辦公費支銷

稅契處附處內設主任一員僱員四名常年約收稅二十萬有奇該處主任兼辦清賦事項委員無定額薪水由縣署支銷

區村調查員附區村調查員一名由地方公款支薪三月一更專調查區長村長副功過及修道種樹等件按月由縣轉報省署

佐治員之分任 自學正吏目等官裁撤後添設佐治人員一公款處主任掌管地方財務事宜一教育所長掌管地方教育一縣視學掌管視察全縣學務一警察所長掌管地方警務兼保甲事宜一交涉佐治員一名薪水由地方公款支領辦理華洋交涉事件兼辦遼中台安二縣交涉每月由二縣資補接濟交際費奉大洋各二十元

附舊衙署之組織 遼陽州不轄縣爲一州地方長官俗呼爲州正堂秩五品與知縣秩異而職同筦全境民治田賦戶口並審理詞訟而達其治於道府其屬有吏目署內有

吏戶禮兵刑工六科分任職務合之倉科共爲七科俗呼七房每科攢典一名俗呼經承貼書無定額每科一二十名多者四五十名刑戶二科因事繁各設副經承二名外有三班輪流值月每班設總役一名衙役二十餘名此亦猶置輔陳殷之制也惟旗務向歸旗署遇有旗民田房訟事須請旗員會審嗣因旗人臨審不跪光緒元年崇文勤督東始奏請全省州縣官均加理事同知或通判銜旗民訴訟概歸審理以一事權此爲政治革新之始三十一年稍裁班房人數其分任事項吏科掌胥吏之任免及收受呈詞等事戶科掌戶籍及徵收田賦等事凡訴訟涉民事者歸之禮科掌考試祭典旌表禮儀等事兵科掌公文傳遞之事刑科掌命盜案及監獄等事凡訴訟涉刑事者歸之工科掌衙署城垣關津橋梁營繕等事凡訴訟涉商務者歸之捕馬三班班役掌差傳報到取保等事並供各科之差遣

學正 爲儒學正堂掌教習士子及考試並學宮祀典民國二年裁缺

吏目 俗稱右堂掌監獄並禁娼賭等事無聽訟權內設一班一房又名督捕廳光緒三

十一年裁缺

旗署之設置 清初設城守尉其屬有稅官倉官外郎及巴爾虎佐領一滿洲八旗防禦驍騎校各八領催兵等一千餘名城守尉係宗室缺爲本境旗署長官掌八旗軍政並徵收旗地草豆無受理詞訟權署內設兵戶工三司每司置掌案員號簿員貼寫無定額其分任事項兵司兼禮司亦曰兵科專掌軍政軍餉丁壯沿道之防備及八旗考試傳遞公文等事戶司亦曰戶科掌八旗戶婚田產有關撫恤及征收地租等事工司兼刑司亦曰工科掌查禁賊盜及城垣廨舍橋梁營繕僧道等事筆帖式一員係滿缺奉城守尉委主管征收兼管牛馬稅務亦稱稅官防禦亦稱界官與驍騎校分掌八旗各轄界主管催收旗租緝捕等事無聽訟權八旗各有官廳倉官又稱倉監督倉外郎原名委官各一員專管豆倉事務至清季迄民國初事務統歸民署官兵缺額一律裁撤

司法

審檢兩廳 民國初地方初級審檢兩廳同時成立民國三年因經費困難各縣初級廳



一律奉文撤銷而二級三審制仍舊不過由地方廳內設簡易庭兼理之廳設縣署後街與縣行政長官立於相等地位檢察廳設檢察長一檢察官二書記官一檢察員一僱員司法警無定額審判廳設廳長一民刑庭長各一民庭推事一刑庭推事二書記官兩庭各一外有簡易庭推事一由刑庭推事兼任廳長兼刑庭庭長僱員二庭丁四兩廳合設之登記所主任一凡寫狀處收發處兩廳共在一院惟權限甚清晰民國八年兩廳移居新建廳署所有建築等款由奉天高等廳司法收入項下撥給廳制又畧有變更分列於下

**審判廳** 廳長一庭長一推事三候補及學習推事各一書記官長一書記官四學習書記官二庶務一錄事十七承發吏十庭丁七廳役八常年經辦案件十四年度共收民刑一千八百四十二起收欸奉大洋二萬零二百五十九元七角九分九釐用欸奉大洋一萬五千零六十元

**檢察廳** 設檢察長一員首席檢察官一檢察官一學習檢察官一書記官長一書記官

二學習書記官三錄事五法警十一廳役四常年經辦案件十四年度偵察刑事案件一千三百五十四起收歛奉大洋三萬零七百五十七元九角四分二厘用款奉大洋一萬四千二百五十一元五角八分

登記所 附入地方審判廳民國四年奉令試辦登記八年實行九年代發新契紙每張收費奉大洋三元三角十一年五月奉部令公布登記條例主任一書記員七僱員四茶役一十五年度收登記費現大洋九千七百元有奇

奉天第二監獄 舊時封獄地址在縣署門前偏東向北原吏目署後院民國元年十二月十六日合并成立新監爲遼陽監獄六年改今名十二年購西南隅民房地基成四方形計九萬六千方尺共築房百九十七間內設典獄長一文牘戒護工業等科三教務醫務員二看守主任五看守二十五女看守一外有候補看守長會計庶務股名籍主任保管員繕寫員等職監房九十四間分內外雜居獨居監普通病隔離病監女犯監未決犯監約容五百餘人復設男女浴室及教誨診斷理髮洗面書信圖書炊場厨

房工場辦公宿舍倉庫等室工場三十五間凡已決之重犯入之分木工藤竹鉛印石印裱糊織工縫紉鞋工碾米洋鐵豆腐醬油建築等科共十三其銷場以鉛印石印豆腐醬油爲最每年新製成品約在六萬元左右遵用部頒甲乙種新式簿記常年經費奉大洋二萬七千四百九十九元內分俸給八千二百八十元辦公費二千五百二十五元服裝三百二十二元監犯口糧一萬六千三百七十二元如有不足概由作業收入項下彌補

稅捐徵收局 光緒季年成立局長一委員三稽查一僱員九巡查八夫役六每春冬二季添臨時僱員七名巡查四名分局四沈且堡立山本溪縣街城廠各設主任一僱員一巡查二分所九鷺房劉二堡尾明山隆昌洲唐馬寨遼中界茨榆坨小北河本溪界下馬塘牛心台各設主任一巡查一二名不等臨時分所一設於本溪清河城主任巡查各一八門各設卡所一惟東門卡附在鷺房分所內收支數詳財賦內自民國十六年春本溪新設捐局所有本溪街城廠下馬塘牛心台清河城各分局所悉撥歸本溪

捐局

鹽務掣驗緝私局 光緒間設立原係分局洎民國十一年爲節省經費並徹銷補徵遂改爲一等分卡內設卡長一巡隊二工役一專管調驗本縣境及遼中台安二縣鹽滷硝各稅票嚴防私梟偷漏等弊所需經費由奉天總局按月支領

硝磺局 自民國六年成在在六年以前均係商家由官府包辦現在係一等分局局內設局長僱員稽查看硝員各一員巡差四名雜役二名所屬分卡劉二堡岫巖兩處劉二堡卡長一員看硝員一員巡差三名雜役一名岫巖卡長一員巡差三名雜役一名常年預算售硝十三萬觔常年約收硝六萬餘觔其不足預算之數由總局請領或赴天津購買彌補常年售硝一萬九千五百觔當地不產歲由大連購還以符預算常年約收欸奉大洋六萬四千九百八十餘元常年支出欸奉大洋八千八百七十五元三角

遼陽縣地方公欸處 光緒三十四年春自治期成會成立兼徵收畝捐迨宣統元年九

月期成會取消改爲收捐處三年又收爲地方自治收捐處民國三年復改爲收捐處附縣署內十年又改爲地方公欸經理處經收畝雜各捐設主任一書記一僱員六催捐夫一雜役二徵收櫃經常僱員四臨時添僱員六皆由公欸支領薪費現年經收畝雜各捐約奉大洋八十一萬八千七百四十六元六角四分支出警學各欸約奉大洋六十七萬八千七百三十三元五角八分收支皆照上年加增

電報局 宣統元年正月奉天電報總局奉部令在本縣城內設局內設局長一員工匠夫役各二名常年收入現銀圓約二千元支出約三千圓所虧之數由總局彌補電分四等一官電二局務電三加急電四通常電急電提前發價視四等三倍密電價視明碼加半倍其餘譯費脚力費與各處同

郵政局 光緒二十五年始在縣城內設二等郵局內設局長一員襄辦三員信差八名郵差九名郵務分普通掛號匯兌包裹四種普通信件重量以二十格蘭姆爲限即五錢二分許逾量加票如原貼票不足或未貼則由收信人補納仍照常郵遞無分緩急

職員薪俸因年勞而加增所收郵費悉數解省再由總局支領不得截留移用城內設信箱四架信筒五處鄉鎮代辦所營城子羅大台大溝大安平浪子山柳河子七嶺子上達連河河攔溝李大屯大紙房小烟台十里河大東山堡潘界沙河舖渾河舖白塔舖共十七處鄉間信櫃小屯子湯河沿上麻屯東新堡判甲爐櫻桃園首山三家子張臺子九處外有佟二堡沙河城昂堡唐馬寨大駱駝背皆有代辦所劉二堡立山大沙嶺係獨立之分局每年收支數目列報總局不屬此局管理

電話局 民國十二年開辦經費奉小洋十二萬零六百八十元建築費小洋七千零八十四元除由自治存款借墊小洋十萬零六千二百五十元外一萬四千四百三十元由本局收電話費抵補常年預收費約奉小洋三萬七千二百六十元預支費約奉小洋二萬四千六百五十七元局長兼經理一員文牘一庶務兼會計一收款員一局役三名機務人員領班一班長二司機生十六練習生四工程人員技術員一工頭一工匠一工人三名城關線路架設以東西南北四街分接四關爲四幹線四鄉線路之支



配共分五幹線隣縣銜接之線路東本溪南海城西遼中北瀋陽長途通話線路以省  
局長途電話爲中樞東轉接奉撫線南轉接奉營線西接奉錦線北轉接奉長奉法線  
電燈公司 地址在城外東洋街開辦距今十五年係中日合資股本金票十二萬圓各  
出半數中國六萬元縣自治會四萬工商會二萬現又倍作二十萬圓公司設總辦一  
人由本縣紳商中推舉日本人一名常駐經理監視四人名譽職員六人僱員三十  
三名臨時僱員五名電柱一千六百三十本電燈線共長二十八萬五千六百六十七  
米突燈數中國人八千三百二十六盞日人八千四百五十六盞歐美人八十二盞共  
一萬六千八百六十四盞本年前半期總收入十三萬二千零七十元八角八分支出  
九萬八千一百四十元零四角八分淨得利益三萬三千九百三十元零四角除公積  
金等項外股東攤分金一萬二千元正皆以金票計算

貧民習藝所

民國三年十月開辦租用八旗工廠房舍閱二年移歸新建廠所所長劉  
慶文文牘兼收支醫生兼管教各一員司事一員工師無定額分木織縫紉三科每科

收藝徒三十名晝工作夜上課習國文修身珠算二年卒業每名給單袂棉衣服各一套棉鞋襪帽各一分由二年中所得紅利提出三成獎給藝徒餘歸公由五釐備荒項下提三萬八千四百圓作爲基本金接收八旗工廠物價二千五百七十六元作爲官股龍泉寺捐款七千圓警局節存二千元以四千元作開辦費以五千元爲流動資本以基金利息六千元爲常年經費五年十月省令擴充藝所兼收丐民以欸絀未辦逾年七月招第二班藝徒十年劉所長辭職孫乃甲接充未幾卒另委楊毓寅接辦仍照從前規則十二年添漆工一科銷路頗暢十三年終計畢業藝徒四百六名均能自謀生活十五年終第六班畢業現以錢荒工費招募藝徒頗覺不易當事者應亟圖變通辦法也

遊民教養工廠 在縣議會東院民國七年五月奉清鄉總局令強迫游民入廠工作指定自治餘欸四萬作基本金由各區長截存典賣土地保證費提一半作開辦費設廠長一員文牘書記看守長各一看守目二兵十夫役六庶務科員一兼會計收支管貨

教養四股工藝科員一兼編織製造修建蠶桑四科藝徒無定額始以趙乃弼爲廠長  
民國八年丁春和接充十一年因有名無實奉令裁撤所有物品併入習藝所收用游  
民取保歸家安度餘款交公欸處

教養工廠及貧收容所 民國十五年三月遵照省令呈准開辦緣以貧民無業易流爲  
匪乃由公債浮多存款二萬二千五百元及前工廠餘欸一萬三千八百餘元長安寺  
報効園地價一萬三千元孤貧院地址賣價二千四百餘元除開辦費外以四萬二千  
三百八十元爲基金以得息作經費委李寶賢爲廠長孫宗泗副之劉玉崑爲名譽監  
理設文牘兼會計一員庶務僱員看守長各一兵六人役五人技師酌用工徒無定額  
分紡織縫紉製繩雜工四科估用前城守尉衙門官房所收多半游民預算每年約得  
紅利二千元之譜現併入貧民習藝所一處

職官志卷十八

遼陽爲邊地要衝歷代置官類皆備軍職而畧民治龔黃召杜之政績明代以前殆罕見之元置行中書省明置都指揮司其時轄既遠又注重邊防多設軍官勢爲之也迄於有清旗民分治尉署治兵其管界廣州署治民其屬境狹設置雖殊職守均要民國以來旗制廢而民治專以及司法警察徵權各職於地方僉有密切之關係茲列職官起自明初凡官茲土有徵則錄無則闕之有職守者庶自明其責焉述職官志第十八

明職官

鎮守遼東總兵 舊駐廣寧隆慶元年移駐遼陽適中之地調度防禦應援海州瀋陽

坐營中軍官一員

副總兵一員 天順壬午始將參將分守成化初年改分守遼陽副總兵統領在城定遼左右中前後東寧並海蓋瀋陽共九衛髮陽等城堡四十四處嘉靖己酉添設海蓋分守參將領二衛及東勝西寧等五堡咸屬之甲子撫按題准險山添設參將領鎮東鎮

夷新安湯站鳳凰城等十三堡後改分守爲駐劄遼陽專管撫順清河二十五城堡其海蓋開原參將及鎮武游擊瀋陽游擊兵馬並聽調度節制分守參將五員游擊將軍八員守備五員備禦十九員皆駐他處

定遼都指揮使一員 洪武間置都指揮同知司管屯局捕二員僉事四員其屬有經歷都事正斷事副斷事吏目司獄各一員掌一方之軍政率其衛所以隸於五府而聽命於兵部

定遼五衛東寧衛掌印指揮各一員 管屯指揮各一員局捕指揮各一員皆爲指揮同知經歷鎮撫各一員各千戶所掌印各一員管屯千戶各一員倉大使副使各一員及掌印各百戶鹽場鐵場帶管馬驛百戶

巡撫遼東贊理事務一員 正統元年設後移廣寧山海關駐 巡按一員 永樂年間置兼提督學政

分守道一員 正統年設遼海東寧道初駐廣寧成化間馬文升奏改設遼陽嘉靖間准

帶管海州瀋陽撫順饜陽與遼陽邊備

分巡道一員 正統年設分巡遼海東寧道以山東按察副使或僉事專理詞訟駐遼陽  
成化間移駐廣寧

遼東行太僕寺少卿一員 洪武初設管理馬政嘉靖時兼管西興西寧西平鎮武兵備  
苑馬寺卿一員 永樂丙子設初駐城內後移駐苑本寺卿李天賦奏准復駐遼陽嘉靖  
時移駐蓋州

自在知州一員 原設開原後移駐遼陽北城

遼東都司儒學教授一員 訓導二員陰陽正術醫學正科僧綱司都綱副綱各一員

按元代曾設遼陽儒學提舉李克家趙洙李之英皆充儒學職至明洪武十七年始改  
置而陰陽雜家釋家亦附於此濫矣

管糧通判一員 弘治初設嘉靖二十六年裁三十八年復設

遼東經略使一員 臨時設置



歷任名氏

馬雲

見名宦

葉旺

見名宦

劉江

見名宦

焦禮

見名宦

曹義

見名宦

巫凱

見名宦

董興

海寧伯充總兵

王宗

成山伯充總兵

鄭宏

武安侯充總兵

衛穎

宣城伯充總兵

緜謙

見名宦

蔣驥

定西侯充總兵

韓斌

見名宦

楊玉

京衛人都督僉事

毛倫

京衛人都督僉事

韓輔

見名宦

韓璽

見名宦

馬永

見名宦

楊鎮

廣寧前屯人都督同知

楊照

見名宦

劉端

遼陽副總兵下同

楊璣

京衛人

施英 遼海衛人

吳瓚 京衛人

張澄 宣府人

劉祥 東寧衛人

孫成 宣府人

崔賢 定遼右衛人附見鄉宦

李景良 見選舉

劉大章 見選舉

李淶 見名宦

黑春 見孝義

周革 臨川歲貢

辛祐 江西鉛山進士

裴顯 三萬衛人

羅雄 遼海衛人

郭振 見名宦

劉暉 見鄉宦

孫文 海州衛人

張銘 錦衣衛人

李鑑

郝承恩 義州衛人

殷尙質 天津衛人

李成梁 見名宦以上二十人皆曾充副總兵協鎮遼東

陸廣平 臨川歲貢

胡起先 江西安福進士

張志文 江西上饒進士

張觀 山西代州進士

陳穀 江西進賢進士

張政 直隸廣德進士

陳詔 浙江青田進士

元亮 河南湯陰進士

李磐 山西稷山進士

芮釗 直隸寶坻進士

李本道 湖廣善化進士

丁泰亨 舉人

謝爌 浙江臨海進士

桂怡 浙江慈谿進士

盧睿 浙江東陽進士

包懷德 江西進賢進士

張聰 廣東新興進士

邵嵩 江西郡昌進士

羅綺 見名宦

徐璟 河南光州進士

陸獻 吳縣進士

黃綬 直隸平谷進士

陳懋 山東東平州進士

劉孜 江西萬安進士

張奎 河南固始進士

田景暘 直隸高陽進士

程鑑 直隸開州進士

楊維 山西祁縣進士

朱暄 直隸高郵舉人

呂雯 直隸安州舉人

魏瀚 浙江餘姚進士

崔讓 山西舉人

徐英 直隸永平進士

潘宣 河南洛陽進士

張鏞 直隸鹽山進士

王崇之 直隸滑縣進士見名宦

唐毓 河南安陽進士

劉瓚 直隸清苑進士

裴斐 陝西渭南進士

常振 山西平定州舉人

馮震 河南汲縣進士

荊倫 山西平定州舉人

侯英 直隸開州進士

費臻 直隸安州進士

王衡 山西稷山進士

張偉 直隸景州進士

楊徽 河南河內進士

強珍 見名宦

馬隆 河南鞏縣進士

張西銘 雲南寧州進士

王嵩 見名宦

王紳 陝西安化進士

周宗 河南裕州進士

宋鑑 山西陽城進士

樊祉 河南胙城進士

王和 直隸遷安進士

羅賢 山西清原進士

車梁 山西石州進士

王獻臣 錦衣衛人進士

楊滋 直隸定興進士

甯溥 直隸山陽進士

劉大謨 見名宦

張隆 山西夏縣進士

陳寬 直隸新河進士

賈錠 河南安陽進士

李善 見名宦

張天衢 直隸高陽進士

郭庸 直隸遷安進士

余濂 江西都昌進士

邢昭 順天三河進士

沙鵬 直隸江都進士

趙應龍 直隸衡水進士

汪暘 浙江仁和進士

張文明 見名宦

劉成德 見名宦

王金 直隸涿鹿衛進士

鄭本公 見名宦

王正宗 見名宦

張問行 直隸內黃進士

朱孔揚 直隸河間進士

李鏞 山西曲沃進士

常時平 見名宦

王珩 直隸交河進士

段承恩 雲南晉寧州進士

胡汝輔 山西石州舉人

劉廷儀 太醫院人進士

高越 見名宦

楊百之 萬全都司籍進士

郭登庸 山西山陰進士

劉詡 河南鄆陵進士

王重賢 直隸交河進士

謝蘭 山西代州進士

楊行中 見名宦

曾銑 見名宦

史褒善 直隸開州進士

胡文舉 福建閩縣舉人

賈大亨 浙江上虞進士

張鐸 見名宦



李廷松 直隸安肅進士

徐洛 河南許州進士

錢鯨 浙江慈谿進士

溫景葵 見名宦

周斯盛 見名宦

史官 河南洛陽進士

楊栢 河南歸德進士

李輔 江西進賢進士

王懋中 目名宦 下分守道

許淳 四川左護衛人右參議

王炫 山西陽城進士右參政

蔡天祐 河南睢州進士右參議

史載德 直隸任丘進士

趙孔昭 直隸邢臺進士見名宦

王光祖 直隸魏縣進士

陳瓚 直隸獻縣進士

陶應龍 直隸棗強進士

王得春 山西安邑進士

黃襄 福建南安進士

張銓 天啓時巡按清兵入遼戰死

賈恪 大梁進士右參議

徐永 河南鈞州進士右參議

閔楷 直隸任丘進士右參政

方楷 直隸宿松人右參議

劉竊 江西崇仁進士右參議

查應兆 長洲進士右參議

趙德祐 廣龍進士右參議

賀府 陝西渭南進士右參議

趙介夫 直隸阜城進士右參議

趙世祿 山西汾州進士右參議

張邦土 山西蒲州舉人右參議

王可立 濼州進士右參議

侯恂 陝西白水進士以下分巡道

許進 見名宦

鈕清 浙江會稽進士僉事

劉翔 直隸獻縣進士僉事

陸杰 浙江平湖進士右參議

高登 直隸內黃進士右參議

榮愷 大興進士右參議

俞憲 無錫進士右參議

莫璿 直隸藺州進士右參議

張廷槐 萬全都司進士右參議

劉九容

楊燮 萬曆時任東寧道

袁端 河南蘭陽進士副使

廖中 福建順昌進士僉事

朱瓚 肅寧人進士副使

陳寬 冀州新河進士僉事

文端 山西介休進士僉事

王中 浙江寧海進士僉事

王舜漁 見名宦

解貫 直隸撫寧進士以下太僕寺少卿

徐達 山陽進士

張文 河南進士

凌相 直隸通州進士

谷高 河南祥符進士

田龍 三河進士

謝顯 江西進士

李翔 上海進士

楊本源 陝西延安進士

楊壽 順天涿州進士僉事

李貢 太平人僉事見名宦

韓澄 見名宦

張志 益都進士

周道 河南鞏縣進士

黃繡 江西清江進士

翟敬 山西騎氏進士見名宦

金穀 錦衣衛人進士

蕭海 江都進士

戴繼先 香河進士

朱屏 四川漢川進士

楊金 富塗進士

趙時吉 陝西鳳翔舉人

陳天祐 山西澤州進士

劉奈 江西廬陵舉人

周駢 順天以下苑馬寺卿

黃會 江西臨川進士

曹岡 錦衣衛人

劉濟 河南鄭縣舉人少卿

夏暹 丹徒進士

趙文奎 江陵人

舒晟 江西安仁進士

郭震 山西蒲州進士

楊最 見名宦

李行簡 陝西乾州舉人

李昶

樊英 臨潼進士少卿

李温 直隸灤縣進士

黃伯垓 湖廣黃岡進士少卿

王恩 餘姚進士

梁澤 陝西三原進士

李天賦 山西交城進士

金冕 直隸崑山進士少卿

侯綸 見名宦

馮時雍 見名宦

李珣 山東清平進士

張鏊 見名宦

陳暹 福建閩縣進士

盧夢陽 南海進士

李慎 福建萬安進士

周俊 見名宦以下分守參將

胡忠 見鄉宦

崔鑑 勝之子

高雲 見名宦

蕭洋 見名宦

許策 見選舉

楊四畏 應奇之子見選舉

歐陽席 江西泰和進士

王世爵 直隸開州進士

許應元 浙江錢塘進士

陳天資 廣平饒平進士

崔勝 見鄉宦

耿賢 見鄉宦

高欽 東寧衛人

閻振 見孝義

楊應奇 定遠左衛人

趙應昌 東寧衛人

王鎔 見名宦

潘敬 以下遼東都司掌印

劉斌 見名宦

李信山 山西朔州人

王眞 見名宦

王祥 見名宦

劉英

白欽 義州衛人

劉宗武 東寧衛人

陳善 京衛人

賈瀚 直隸歸德人

王朴 海州參將

李質 定遼中衛人以下都司管屯

文安 見名宦

周興 常州宜興人

夏通 桐城人

畢恭 見鄉宦

夏霖

傅海 定遼中衛人

鄧鈺 定遼前衛人

崔世武 定遼右衛人

郝九皋 宣府前衛人

張樹 太原左衛人

張子黥 大同左衛人

林勝 定遼後衛人



李杲 同上

韓承恩 定遠中衛人

朱瀾 金吾右衛人

芮元勛 羽林衛人

申有爵 保定後衛人

何亮 刑市衛人以下都司局捕

王宗 定遠左衛人

李仁 威海衛人

李暹 武驪右補人

管儒 營州後市衛人

瓢守清 定遠前衛人見鄉巨嘉靖間指揮使

陳嘉謨 遼州舉人管糧通判

王孝忠 同上

俞雄 遼海衛人

王朝用 定遠左衛人

佟珮 東寧衛人

趙斌 京衛人

葉廣 前屯衛人

李繼宗 廣寧衛人

韓彬 宣化前衛人

崔經 陝西綏德衛人

楊一揆

陳應鶚 福建舉人駐遼管糧通判

雷鍾 懷來衛貢生管糧通判

劉國

見名宦

周鸚

麻貴

見名宦

魯全

見名宦

巫瑛

蕭汝芝

萬曆時都指揮僉事

劉秉節

萬曆時都指揮僉事

熊廷弼

見名宦

袁崇煥

遼東經略使

袁應泰

經略使遼陽失守死之

清職官

東京遼陽城守尉一員初設駐防章京康熙二十年移駐金州二十六年設城守尉雍正

六年委放副城守尉一員未幾裁

防禦八員 滿洲八旗各一員康熙二十六年設

巴爾虎佐領一員

驍騎校九員 康熙二十八年設三十年增一員

筆帖式二員 康熙三十六年設雍正七年裁一員光緒初年又裁一員

倉官一員 康熙三十二年設光緒中裁

外郎一員 以上各員光緒末年悉裁

遼陽州知州一員 順治十年設遼陽府十四年設奉天府裁遼陽府置縣康熙三年陞

爲州

學正一員 康熙二十二年設民國二年裁原順治十一年置教授尋改

典史一員 順治十三年設康熙三年裁

吏目一員 康熙三年設光緒三十一年裁原順治十三年設府經歷尋改

斗秤捐局委員一員 光緒二十九年省令將旗署糧貨捐輸兩局歸併改爲斗秤捐局

牛馬稅總辦一員 光緒三十年撤旗署牛馬稅徵收另設總辦

稅捐局長一員 光緒三十三年歸併牛馬稅斗秤捐設稅捐總局置總辦一員統轄各

分局卡三十四年又兼轄本溪分局下改稱局長

民國職官

縣知事一員 民國元年仍稱州二年改爲縣知事

警察所長一員 原名局董又改爲警務長自宣統三年改爲所長

保甲所長一員 民國初置預警總長三年改爲保衛團辦事員七年又改爲保甲委員

十一年始名爲保甲所長現併歸警察所長兼辦

交涉委員一員 隸省交涉署管轄由地方官請委

稅捐局長一員 仍舊制

地方檢察廳長一員檢察官二書記官一檢察員一 原設有初級廳長民國三年裁入

年裁地方廳長改設首席檢察官一檢察官一學習檢察官一書記官長一書記官二

地方審判廳長一員兼刑庭庭長民庭庭長一推事一刑庭庭長一推事二兩庭書記官

各一 民國八年改設審判廳庭長一推事三候補及學習推事各一書記官長一書

### 記官四

遼陽城守尉 清宗室缺

陳保 康熙五十九年見千山龍泉寺碑

秦泰 雍正十三年任

白自立 雍正十三年任副城守尉

觀音保 乾隆元年任

德祿 乾隆十七年任

和清 乾隆十七年任見關廟碑

福全 乾隆四十一年任

永慤 乾隆四十六年任

弘善 乾隆四十八年任此時新頒遼陽城守尉關防

煥明 嘉慶十三年任

永良

明琇 道光十八年

綿洵

綿瀚 咸豐癸丑任

倫公 道光年間任

萬福 字雲峯同治元年任

銳莊 字洩堂同治七年任

銳芬 莊之弟

文光 光緒元年任在任六年

崇善 光緒七年任

奕澍 字惠廷光緒十一年到任閱九月升興京副都統

耆徵 字健卿前後十年至光緒二十二年卸任

靈熙 字子箴由鳳凰城調署

載椿 字壽農前後兩任



溥鎮 字菊如由開原調署

文詒 字郁亭光緒三十年卒於任

德裕 字仲科光緒三十一年創設八旗學堂及講演所

廣齡 字松巖署理城守尉

阿爾精阿 由熊岳調署

明信 盛京鑲黃旗滿洲協領調署城守尉

寶文 由錦州調署

寶慶 字雲浦蒙古協領署理城守尉

寶舜 字格忱署理城守尉至裁缺卒

防禦佐領

世箴 字介軒鑲黃旗防禦

勝辰 字東泉世襲雲騎尉署滿洲鑲黃旗防禦

慶寶 滿洲正黃旗防禦

霖宜 滿洲正白旗防禦

烏勒禧束 滿洲正白旗防禦

景安 年春舫滿洲鑲白旗防禦

蘇勒芳阿 鑲白旗防禦又護理城守尉

霍隆武 字振遠滿洲鑲白旗防禦光緒二十七年創立俄文學社三十年護理城守尉

先後與署尉德裕創辦八旗學堂以馬神廟八旗會所作校舍撥伍田隨缺租二成作經費並以城根地皮租辦八旗女學

達隆阿 滿洲鑲紅旗防禦

福克凌阿 同上

全成 字貫一鑲紅旗驍騎校護理城守尉

恩厚 字子良滿洲正紅旗防禦原缺撥外城此缺係題署

惠祥 滿洲鑲藍旗防禦

慶陞 字錫三 滿洲鑲藍旗防禦即補佐領

宗元 滿洲正藍旗防禦

哈隆阿 滿洲正藍旗防禦又護理城守尉

春霖 滿洲正藍旗防禦

成文 同上

松秀 同上

慶霖 巴爾虎正白旗佐領

葆春 同上

永謙 同上

尙德 同上

遼陽府知府

張尙賢 遼東人順治十一年任遼陽知府十四年改陞奉天府尹

遼陽縣知州

陳達德 浙江義烏人順治十一年署任招徠民戶一百四十家以功署縣事到任二月

故奉旨著其子瞻遠知縣事

陳瞻遠 順治十一年任

張世經 江西南昌貢生順治十八年任

遼陽州知州

王之仕 廣寧人蔭生康熙三年到任陞縣爲州

王葵錫 浙江建德拔貢康熙八年任

李光綸 湖廣宜都歲貢康熙九年任

吳承基 寧遠人蔭生康熙十年任

王應聘 遼東人康熙十三年任

楊鏞 字蓮峯河南洛陽舉人康熙十八年任創修遼陽州志

李文龍 漢軍鑲白旗蔭生康熙二十二年任

范時崇 遼陽人康熙二十三年任

劉貞 順天大城官生康熙二十六年任

胡祚遠 漢軍正黃旗人康熙四十三年任

富中琰 福建晉江歲貢康熙四十四年任

張禹錫 浙江餘姚人實任奉天府經歷康熙四十九年署

陳學海 浙江桐鄉舉人康熙五十一年任

張懋誠 四川遂寧舉人康熙五十四年任

王玉璿 順天大興進士實任海城知縣康熙五十八年署

王瀚 江南宜興人康熙五十九年任

焦綏祚 山東章邱進士雍正三年任

劉炎緒 漢軍正藍旗官生雍正六年任

何夢瑤 字報之號西池廣東南海人雍正十年任

黃永耀 白下人萬壽恩科鄉進士雍正十三年任

趙懋本 大興歲貢雍正十三年任

吳秉禮 乾隆六年見關廟碑

倪萬斌 乾隆十七年任

明德 乾隆二十六年見文廟碑

書明阿 乾隆四十一年任

羅肇遠 乾隆四十四年任

任嘉春 特授知州乾隆五十五年到任

耀昌 特授知州乾隆五十六年到任

那昌阿 特授知州嘉慶元年任



克星額 特授知州嘉慶三年到任

那昌阿 嘉慶八年再署

杜大奎 嘉慶十一年署

長 生 特授知州嘉慶十一年到任

劉金錫 特授知州嘉慶十二年到任

安奎文 特授知州嘉慶十三年到任

張國泰 嘉慶十三年見文廟碑

潘彭年 嘉慶十九年署

陳 瀛 特授知州嘉慶二十二年到任

潘彭年 特授知州道光七年到任

濟郎阿 道光十年署

許 瀛 字鐵夫安徽全椒乙酉科拔貢道光十年署

富顯 特授知州道光十年到任

保定 道光十一年署

成惠 道光十二年署

慶岳 特授知州道光十三年到任

胡枚 道光十四年署

章朝勅 字鞠人安徽銅陵人道光壬午進士特授知州道光十六年到任後又再任

郎若曾 道光十九年署

沈逢恩 道光二十年署

郎若曾 特授知州道光二十年到任

姚承恩 道光二十七年署

方發祥 特授知州道光二十八年到任

姚承恩 道光二十九年再署

吳敬綸 特授知州咸豐元年到任

龔文灝 侯補知縣咸豐元年署州事補修盛京通志協理員

孫亦堂 咸豐二年署

劉榮貴 咸豐三年署

劉景醇 咸豐四年署

王肇光 特授知州咸豐五年到任

肇麟 咸豐六年署

景灝 咸豐七年署

劉啓同 特授知州咸豐八年到任

鮑師釗 咸豐十一年署

張鼎庸 字芷笙特授知州同治元年到任

張雲蕃 同治四年署

馮繼堯 同治六年署

文 景 同治八年署

吳富春 字牧亭特授知州同治九年到任

張雲蕃 同治十二年再署

福 培 同治十三年署

趙受璧 同治十三年署

榮 昌 同治十三年署

張雲蕃 光緒元年又署

高乃聽 字述菴光緒三年署

張雲蕃 特授知州光緒四年到任

高乃聽 光緒四年再署

馬承恩 字寶三光緒四年署

徐仲三 字步由順天大興舉人特授知州光緒五年到任

章 樾 字佑樵光緒八年署

張錫蕃 字康侯特授知州光緒十一年到任

徐鏡第 字芙初光緒十二年署

張錫蕃 光緒十三年回任

姜國本 字弼臣光緒十三年署

高乃聽 特授知州光緒十四年到任

徐慶璋 字嶼齋光緒十九年八月署

黃毓森 字芷靜河南光州進士特授知州光緒二十二年二月到任

鳳 鳴 字子岐光緒二十四年二月署

陶懋恭 字默存光緒二十四年署

陳錫蕃 字衍庶選授知州光緒二十五年八月到任

楊昌瀚 字海琴光緒丁酉拔貢二十六年十二月十二日到任

馬俊顯 字績卿光緒二十七年六月十八日署

廖彭 字籤如光緒二十八年九月十五日署

鮮俊英 字華甫直隸密雲人光緒三十年正月初八日署

陳良杰 字松泉光緒三十年十月初三日署嗣日人誣以通俄去職

顧承瀛 字蓬山光緒三十一年正月初六日由吏目護理

沈金鑑 字叔瞻道員用候補知府光緒三十一年三月初五日署

何厚琦 字子璋光緒三十一年十月初九日署

鮮俊英 光緒三十二年閏四月二十四日再署

王懋官 字仲英直隸密雲人光緒三十二年六月十三日由吏目護理

霍型武 字雲溪光緒三十二年七月二十日代理

陶鶴章 字守之光緒三十二年八月二十七日署



歐陽翥 字誨秋湖南人光緒三十三年三月二十七日署

洪汝冲 字未丹光緒三十三年十二月十六日署

史紀常 字曜五江蘇武進人宣統元年二月十二日到任由支目署

遼陽儒學學正

王元輔 清苑舉人康熙二十三年任分輯前盛京通志

楊 瑄 新河舉人康熙二十九年任  
三十一日任 三十一日署

陳五紀 豐潤歲貢康熙四十五年任  
六日由支目署

張 伉 完縣解元康熙五十四年任  
二日署 同日入編以嚴遵法

邢 偉 文安舉人雍正二年任  
五日署 五日署

韓傲儒 冀州舉人雍正五年任  
十五日署

王承祿 乾隆六年任  
十八日署

牛頌景 乾隆二十八年任  
二十六年任 二十六年任

王致禮 寧遠人庚辰舉人乾隆四十一年署

趙相 乾隆四十一年任

彭海元 乾隆五十六年任

董履坦 字淡園嘉慶十三年任

三如 嘉慶十九年任

多積仁 順天舉人道光十五年任

董偉 字雲亭遵化州嘉慶庚午科舉人道光十八年任

解鳳岡

姚學程 字菊坪直隸天津道光己亥舉人著有菊坪詩草

孫紉蘭 咸豐元年任

吳玉樹 咸豐二年任

周策 直隸寶坻咸豐乙卯舉人同治癸酉年任

郭正傳

字緒泉同治間任

金 棻

字裳華光緒年間任

司空群

字冀北光緒十六年任

趙東昇

字仙橋易州優貢自此裁缺舉人養官陝西

遼陽府經歷

劉嘉績

山西河曲恩貢順治十三年任十四年改奉天府經歷

遼陽縣典史

潘宗漢

浙江上虞人順治十三年任

潘澄賢

浙江山陰人康熙元年任四年裁

遼陽州吏目

樓國敏

浙江義烏人康熙三年任

宋文元

浙江山陰人康熙十二年任

楊芳 浙江山陰人康熙二十年任

戴延 順天大興人廢生康熙二十二年任

潘運理 浙江山陰人監生康熙二十四年任

袁濟 直隸武邑人康熙三十四年任

魏顯謨 直隸開州人康熙三十八年任

錢志學 江南長洲人康熙六十一年任

孫賢仕 順天三河人雍正十二年任

周紹炳 乾隆十七年任

黃廷奎 乾隆二十八年任

元振采 乾隆五十六年任

江日照 嘉慶十三年任

吳慎之 道光十八年任

王 柘 咸豐三年任

何裕曾 同治末年任

榮 懷 光緒元年任

顧承瀛 光緒二十年任

王懋官 字仲英密雲人光緒二十八年任

稅捐職官

趙 孚 字獻臣光緒三十年任牛馬稅總辦

楊昌瀚 字海琴光緒三十一年任牛馬稅總辦

黃伯衡 光緒三十二年任牛馬稅總辦

李丙吉 字浩齋光緒三十三年任改稱稅捐總局委員

凌 雲 字瀛洲光緒三十四年任稅捐徵收局局長

但旭旦 字子東宣統二年任局長

高樹 字蔚然進士宣統三年任局長

警察官

于沖漢 光緒三十一年任巡警提調

王永江 光緒三十四年任改為警務長

高毓衡 宣統三年任改稱警察所長

預警總長

趙乃弼 宣統二年改保甲為預警充總長

民國職官

縣知事

于沖漢 字雲章邑人民國元年陽歷二月二十二日攝理

霍型武 民國元年五月九日署

金朝樞 字勵生民國四年八月二十四日署



田薊穀 字紫駿吉林漢軍正紅旗附貢生民國五年五月二日署

尹永禎 字善符復縣人民國九年七月二日代理

章啓槐 字蔭生江西玉山人民國九年八月十日署

胡永年 字彥公奉天錦縣人監生民國九年十二月二十四日署

尹永禎 民國十一年二月二十二日代理

劉芳彬 字體蘭民國十一年三月八日署

吳殿章 字篆青奉天北鎮人法政畢業民國十一年七月二十一日署

李濟東 字泮溪奉天鳳城人民國十一年十二月一日署

儲 鎮 字鐵生江蘇宜興人民國十二年一月十七日署

裴煥星 字聚五奉天法庫人已酉科拔貢民國十四年九月五日署

董英森 字子如奉天新民人法政畢業民國十六年五月七日署

王煜斌 字憲章奉天盤山人民國十六年十一月十六日署

警察所長

高毓衡 字鈞閣

袁葆禎 字鶴亭

朱斌奎 字吉甫

尹永禎 字善符

趙詞源 字質齋

陳品一

朱景軾 字若坡

王繼倫 字子齊

溫寶泉 字鶴岩 民國十六年十一月任職

保甲所長

趙乃弼 字輔宸 民國元年仍充保衛團辦事員 七年六月停辦

劉述古 字宣三民國七年十月充保甲委員十二年一月交卸

劉景和 字遇宸原充消防隊長至民國十二年接充保甲所長

交涉員

于沖漢 字雲章民國以前由省委充交涉員不隸於縣署

楊立堂 字伯肯留日早稻田大學政治經濟科畢業民國九年去職自此隸於縣署

姜文愨 字子桓留日早稻田大學法律本科畢業民國十二年去職

金子綱 字紀之留日帝國大學法律專科畢業民國十四年去職

郭致文

趙長陞 字錫九

稅捐局長

馮紹唐 字星坦民國元年任

潘鴻鈞 字端甫民國二年任

俞鳳桐 字子梧民國四年任

關錫齡 字紹彭民國六年任

何厚琦 字子璋民國八年任

張樸 字蘊卿民國九年任

耿玉山 字文峰舉人民國十一年代理三個月

翁恩裕 字問卿民國十一年任

劉秉璋 字達三民國十三年任

倪正譽 字子聲民國十四年任

李心曾 字省三海城附生留日師範畢業民國十六年八月任

檢察廳長

張蓋臣 直隸人

楊名椿 四川人

朱樹聲 湖北人

倪文葆 浙江人

邵邦瀚 江蘇人

孫盛熙 浙江人

劉文釗 湖北人

劉炳藻 字漱卿直隸藁縣人

廳長

審判廳長

謝震 湖南長沙縣人

鄒麟書 湖北省人

辛漢 江蘇武進縣人

劉大魁 湖北漢陽縣人

直隸法政專門學校畢業民國十一年八月署地方檢察

王鎮南 湖北漢川縣人

邱任元 福建閩侯縣人

吳麟 安徽桐城縣人

裴子宴 山東聊城縣人

史延程 山東樂陵縣人

章坤 字純泉浙江富陽縣人浙江官立法政專門學校法律別科畢業民國十三年

六月調署地方審判廳長

程鏡堂 字濬字民國十六年秋調署地方審判廳長